

# Վրե՛ս Երեւան

1948 թ

№12

ՅԵՐԱՅԵՍՏԱՆԻ  
ՔՐԻՍՏՈՒԳՈՒԹՅԱՆ  
ՍԵՆՏԵՄԲԵՐ 1948

140 / 2  
1948





## საქართველოს ალკ XVII ყრილობა

25-28 დეკემბერს მიმდინარეობდა საქართველოს ახალგაზრდობის ლენინური კომუნისტური კავშირის XVII ყრილობა.

ეს ყრილობა დიდი მოვლენა იყო რესპუბლიკის მთელი ახალგაზრდობის ცხოვრებაში.

საქართველოს ახალგაზრდობის ლენინური კომუნისტური კავშირის ცენტრალურმა კომიტეტმა საქართველოს კომკავშირის XVII ყრილობას და მისი სახით რესპუბლიკის მთელს კომკავშირს ჩააბარა XVI ყრილობიდან განვლილი — 3 წლისა და 10 თვის მანძილზე გაწეული მუშაობის ანგარიში.

საქართველოს ახალგაზრდობის ლენინური კომუნისტური კავშირის ცენტრალური კომიტეტის მდივნის ანგარიშით, ივლიანე სამსონის-ძე ზოდელავას საანგარიშო მოხსენებაში ნათლად არის ნაჩვენები საქართველოს კომკავშირის საქმიანობა მთელი მისი სახელოვანი წარმატებებით. ამავე დროს მოხსენებაში და შემდეგ მის გარშემო გამართულ კამათში, აღიღწა წარმატებებთან ერთად, აღინიშნა მუშაობის ზოგიერთი ნაკლოვანებაც.

ყრილობაზე ვრცელი, საპროგრამო სიტყვით გამოვიდა საქართველოს ახალგაზრდობის აღმზრდელი და მასწავლებელი, საქართველოს კომუნისტური პარტიის (ბოლშევიკების) ცენტრალური კომიტეტის მდივანი იმხანაგი კანდიდ ნესტორის-ძე ჩარკვიანი.

ყრილობამ დახურული (ფარული) კენჭისყრით აირჩია საქართველოს ალკ ცენტრალური კომიტეტი 75 წევრისა და 25 კანდიდატის შემადგენლობით; სარევიზიო კომისიამ აირჩია 11 წევრი.

საკავშირო ალკ XI ყრილობის დელეგატად არჩეულია 46 კაცი.

\* \* \*

28 დეკემბერს შემდგარმა საქართველოს ალკ ცენტრალური კომიტეტის პირველმა პლენუმმა, რომელმაც საორგანიზაციო საკითხები განიხილა, — საქართველოს ალკ ცენტრალური კომიტეტის პირველ მდივნად ერთხმად აირჩია ანგ. ი. ზოდელავა, მეორე მდივნად — დ. რომელაშვილი, მდივნად კარების დარგში — კ. გურგენიძე, მდივნად პროპაგანდის დარგში — ა. კინწურაშვილი, მდივნად სკოლის დარგში — მ. ყორაყიანი.

პლენუმმა აგრეთვე დაამტკიცა საქართველოს ალკ ცენტრალური კომიტეტის განყოფილებათა გამგეები და ახალგაზრდული გაზეთებისა და ჟურნალების რედაქტორები.

\* \* \*

საქართველოს ალკ XVII ყრილობის დაწყებულ პირველი ანგარიშს გამოვაქვეყნებთ ჩვენს ჟურნალის მორიგ ნომერში.





## 5 დეკემბერი

მეშვიდეკლასელები სწავლობენ საგანს, რომელსაც „სსრ კავშირის კონსტიტუცია“ ეწოდება. უმცროსებსაც გაუფიქრიათ ეს სიტყვები. ჩვენ ყოველ წელს გზეობით 5 დეკემბერს — სტალინური კონსტიტუციის დღეს.

სტალინური კონსტიტუცია ჩვენი სახელმწიფოს ცხოვრების ძირითადი კანონია. მასში ჩაწერილია ყველა ის უფლება, რაც ხალხმა მოიპოვა ჩვენს ქვეყანაში.

ეს უფლებებია ის, რომ თქვენ სწავლობთ, ისიც, რომ თქვენ გაქვთ პიონერთა სასახლეები, ტექნიკური სადგურები, საბავშვო რკინიგზები; რომ თქვენ ზაფხულს პიონერთა ბანაკებში ატარებთ; ისიც, რომ თქვენს მამებს აქვთ სამუშაო, რომ დედებიც, მათთან ერთად, სახელმწიფო საქმიანობაში არიან ჩამოთვლინი, რომ მიწა, წყლები, მატარებლები გემები, წიაღისეული სიმდიდრეები ხალხს ეკუთვნის და წარმოადგენს სოციალისტურ საკუთრებას, რომ მთავრობას ირჩევს ხალხი, ირჩევენ თქვენი ძამები და დედები, თქვენ უფროსი და-ძმები, რომელთაც 18 წელი შეუსრულდათ.

ზოგიერთი თქვენგანის მამა ან დედა, უფროსი და ან ძმა უთუოდ არის დეპუტატი — ხალხის წარგზავნილი ხელისუფლების უმაღლეს ორგანოებში, ხალხის მსახური.

შრომის, განათლების დასვენების უფლებები, უფლებები აირჩიონ და არჩეულ იქნან, — აი, რა არის ჩაწერილი და დაკანონებული სსრ კავშირის კონსტიტუციაში, რომელიც 12 წლის წინათ, 5 დეკემბერს, დაამტკიცა საბჭოების სრულიად საკავშირო მერჯი საგანგებო ყრილობამ. მისი შემომქმედი დიდი სტალინი. ამიტომ ხალხმა მას სტალინური კონსტიტუცია უწოდა.

თქვენ გყავთ უფროსი ძმები. ბევრი მათგანი საბჭოთა არმიის მსახურობს, ბევრსაც დიდ სამამულო ომში მიუღია მონაწილეობა და მკერდს ორდენები და მედლები უმშვენებს.

ისინი იცავდნენ და იცავენ სამშობლოს. სტალინურ კონსტიტუციაში ჩაწერილია საბჭოთა ადამიანების ეს უპირველესი მოქალაქეობრივი მოვალეობაც — სამშობლოს დაცვა.

საბჭოთა მეომრები იცავენ ნორჩი თაობის სიცოცხლესა და ბედნიერებას.

მაგონდება ასეთი პატარა ამბავი დიდი სამამულო ომის დღეებიდან:

\* \* \*

— „გერმანელი ოკუპანტები მხეცურად ეპყრობიან მათ მიერ დაკავებული რაიონების მცხოვრებთ. სმოლენსკის ოლქის სოფელ საჩკოვოში გერმანელებმა მთლად წაართვეს გლეხებს პირუტყვი, პური და ტანისამოსი. ფაშისტები ბავშვებიანად ხვრეტენ ქალებს, რომლებიც ცდილობენ პროტესტი განაცხადონ ძარცვისა და თვითნებობის წინააღმდეგ...“

პოლიტხელმა ძირს დაუშვა გაზეთი. მცირე ხნით სიჩუმე ჩამოვარდა. ტყეში ყინვით დაშვრალმა ხმელმა ტოტებმა გაიტყუენეს. აქა-იქ გაისმა ჯარისკაცების მძიმე ამოოხვრა.

— მეომრებო, — შესძახა პოლიტხელმა მცირე პაუზის შემდეგ. ძახილი ტყეშიც განიმეორა. — ამას გვატყობინებს 5 დეკემბრის გაზეთი! თქვენ გახსოვთ 5 დეკემბერი. საბჭოთა ხალხმა შარშან ამ დროს მშვიდობიან ვითარებაში იხეიმა სტალინური კონსტიტუციის დღე...

ეს იყო 1941 წლის დეკემბერში.

გავიდა ხანი. კვლავ დადგა ზამთარი. შუროსიძებით სავსე საბჭოთა მეომრები მიიწვედნენ წინ, ათავისუფლებდნენ ჩვენს მიწა-წყალს. მეც ფრონტის ხან ერთ უბანზე მოვხვდებოდი, ხან მეორეზე. ბევრი ამხანაგი დაეცა, ბევრიც შემოგვემატა...

როგორღაც ისე მოხდა, რომ წილად მხვდა სხვებთან ერთად ბრძოლით გამეცლო მიღა-

4170



მოები სმოლენშინისა, რომლის შესახებაც პოლიტხელმა ამ ერთი წლის წინათ წაგვიკითხა საბჭოთა საინფორმაციო ბიუროს ცნობა. სოფელ საჩკოვოს სახელი იქნებ ამომოლილიყო კიდევ ჩემი მენსიერებიდან, რომ ახალ მეთაურს არ გავეოცებინე:

მორიგ იერიშზე გადასვლის წინ თოვლზე გაწოლილი ვიყავით და წინ გავცქეროდით მკვდარ სივრცეს. თოვლს რაღაც სილურჯის ფერი გადაჰკრავდა და კამკამებდა.

— ოცეულო, — დაიწყო ნაყვავილარმა მეთაურმა ჩახლეჩილი ხმით, — ისმინე ბრძანება: ჩვენს წინ სოფელი საჩკოვოა...

„საჩკოვო!“ — განვიმეორე ჩემთვის. მე მინდოდა გავცვებოდა მუყვირად: „ამხანაგებო, ეს ის საჩკოვოა, რომელზედაც შარშან...“ მაგრამ გონს მოვედი — მომაგონდა, რომ ჩემს ირგვლივ სულ ახალი მეომრები იყვნენ...

მეთაური დინჯად, დამარცვლით განაგრძობდა:

— სოფელს უნდა შემოვუაროთ მარცხენა ფლანგიდან. მხარს გვიჭერს პეტროვის ოცეული ორი დაზგის ტყვიამფრქვევით...

მე არ აგიწერთ სოფლის აღებას. სოფელი უკვე აღარ იყო, ადრევე გადაებუგათ გერმანელებს. ოდესღაც ლამაზი, მდიდარი, თავისუფალი რუსული სოფელი შეუცვლია მავ-

თულხლართებს, ტრანშეებს, ბლინდაებს მარჯვნივ ფიჭვნარის დიდი ტყე იყო, წინ არყის ჭალა. ახლოს იყო ვარშავის ცილი, გუგუნი გვესმოდა იქიდან...

ბრძოლის ამ დავიდარაბაში ერთმა მებრძოლმა მომახედა. „შეხედე!“ — მითხრა მან. ჩემი მზერა შეჩერდა... ცალ ფეხსაცმელზე! იგი არყის ხის ძირას ეგდო. ხუთი-ექვსი წლის ბავშვისა იქნებოდა, ზონარმეუხსნელი. ისე, მსუბუქად მიეყარა ნელ ქარს თოვლის მტვერი. არც ისე ძველი იყო, რომ დედას გადასაგდებად გაემეტებინა. მხოლოდ ყინვას კი ძლიერ მოეხრუენა და სულ დაეპატარაებინა... მე რატომღაც გავიფიქრე, რომ ეს ყველა მებრძოლმა ნახა და ყველას აღუძრა ერთი კითხვა: „სად არის, ნეტავ, მისი პაწია პატრონი? იქნებ უკუქცეულ გერმანელებს გაუგლიათ წინ და ამ თოვლში მის ტანტალებს ცალფეხშიშველი“...

და გადავსწყვიტეთ, — ჩვენ უნდა ვისწრაფოთ, შეუსვენებლივ ვისწრაფოთ წინ, რომ დავეწიოთ იმ პატარას...

უთუოდ მსგავსმა გრძნობამაც — ამ ნამცეცა ფეხის ნატერფალის მოლანდებამაც — გაალომგულა მელიტონ ქანთარია და მისი თანამებრძოლები, — ბერლინამდე ბრძოლით რომ მივიდნენ და რაიხსტაგზე გამარჯვების დროშა ააფრიალეს.

ვლადიმერ თორღუა





გრივოლ აბაშიძე

თოვლმაწისე გამოსცვალა,  
ველარ იცნობთ ბაკურიანს,  
მთებს და მინდვრებს,

ტყეს და სახლებს  
ყველას თოვლი ახურია.

თოვლია და მზე აცხუნებს,  
საოცარი ზამთარია,  
თხილამურით გასაფრენად  
პატარებიც მზად არიან.

ვისაც თოვლზე ქროლვა უყვარს,  
მართებს თავის გამოჩენა!  
ეყოთ კიდევ თხილამურებს  
დასვენება ამოდენა.

წამოიცივით ხელთათმანი,  
ფეხთ ჩაიცივით ჭრელი წინდა,  
აქ სიცივეს ვერც კი იგრძნობთ,  
გული ხომ არ შეგიშინდათ!

აგერ, ძლივს სჩანს მზიან თოვლზე,  
ვილაც მიჰქრის ბუზის ტოლა,  
გაფრენილმა თხილამურმა  
თოვლის კვამლიც აიყოლა.

და ნამქერი ფეხის ბუქმა  
დააწვინა ფენა-ფენად,

აგერ ვილაც მაღლობს მოსწყდა  
ხელგაშლილი გასაფრენად.

აგერ ვილაც კოტრილობს,  
ადგომაში არვინ შევლის,  
და სიცილით ფაფუკ თოვლზე  
გორავს, როგორც დათვის ბელი.

თხილამურით გავლას სწავლობს,  
ფეხი ბევრჯერ აურია...  
საგარჯიშო მოედანზე  
ერთი აურზაურია!

სალამოხანს გვიან სწყდება  
სიმღერა და ცემა ტაშის,  
ზოგს ლოგინში სძინავს თბილად,  
ზოგს საძილე ტომარაში.

მინდორზე რომ იძინებენ,  
განა მარტო ვაუბებია!  
გოგონებიც თოვლზე წვანან,  
ცივ ჰაერზე კაუჭდებიან.

ზოგს ნაბადი გადუხურავს,  
ზოგს საბანი ახურია,  
მოდით, ნახეთ რა თოვლია,  
ახლა რა სჯობს ბაკურიანს!





ინლო ინსარი



პარიზი მეორე მსოფლიო ომამდე მხიარული ქალაქი იყო, მაგრამ ეს არ ითქმოდა პარიზის მუშათა უბნებზე, სადაც სილატაკე და სიბნელე სუფევდა.

მუშათა უბნების სიხარულს მხოლოდ მომავლისადმი იმედი შეადგენდა, რომელიც ვარსკვლავივით კაშკაშებდა. ამ მანათებელ იმედს მუშათა მოძრაობაში ჰხედავდნენ.

პარიზის მუშები განთიადს ელოდნენ, თანვანთი მზის ამოსვლას.

მათს ამ იმედს, ვით მზის სხივებს, საფრანგეთის კომუნისტური პარტიის გაზეთი „ლუმანიტი“\* ავრცელებდა. და მუშა როყეც, რომელიც ბასტილიის უბანში ცხოვრობდა, ყოველ დღე ამ გაზეთით ხელში ბრუნდებოდა სამუშაოდან შინ.

მთელი დღის მუშაობით დაღლილ ოჯახის მამას არც დასვენება აგონდებოდა, არც ჭამა-სმა, — პირველად იგი გაზეთს კითხულობდა.

ოჯახის დედას, ისევე, როგორც როყეს, აინტერესებდა თუ რა ხდებოდა მსოფლიოში, თუ როგორ იბრძოდა მუშათა კლასი კაპიტალიზმისა და რეაქციის დასათრგუნავად.

ოჯახის მესამე წევრი—მათი 5 წლის გოგონა ეულიანა კი დიდად უკმაყოფილო იყო მამის ჩვეულებით — გაზეთის გატაცებული კითხვით. მას უნდოდა, რომ მამა მასთან ყოფილიყო, მოალერსებოდა. ის ხომ მუდამ მოუთმენლად ელოდა მამის მოსვლას!

ამიტომ, როცა კი მოახერხებდა, მამას გაზეთს მოჰპარავდა ხოლმე და დაუმალავდა.

აგერ დღესაც სამუშაოდან დაბრუნებულმა მამამ გაზეთი მაგიდაზე დადო, ეულიანამ მოახერხა, ჩუმად გაზეთი მაგიდიდან გადაეცოცებინა და დაემალა.

მამამ ეს მაშინ შენიშნა, როცა მაგიდას მიუჯდა და გაზეთის აღება დააპირა.

— ეულიანა, სადაა გაზეთი?

— არ ვიცი! — მიუგო გოგონამ და მამას თვალი მოარიდა.

— მომიტანე და მოდი აქ, რაღაც უნდა გითხრა.

ეულიანას გაეხარდა: რახან მიზანს მიადწია, რომ მამის ყურადღება მიიპყრო, მაშინვე მიუბრუნებინა გაზეთი.

— აი, გაზეთი. აბა რა უნდა მითხრა? — თქვა და მამას სიყვარულით მოეხვია.

მამა ჯერ მოეფერა, ხელები მოუცაცუნა სახეზე, თმაზე და მერე მშვიდად უთხრა:

— მომავალ კვირას ბულონის ტყეში წავალთ. იქ იქნებიან ჩემი ამხანაგი მუშების გოგონებიც — ჟანეტა და ლილიანა. მთელ დღეს ერთად ითამაშებთ...

ეულიანა სიხარულით ცას ეწია: ჯერ ერთი, რომ ზაფხული იყო, პარიზში ცხელოდა. განსაკუთრებით შეხუთული ჰაერია ამ დროს ბასტილიის უბანში და იქიდან ბულონის ტყეში გასვლა მუშის ბავშვებისათვის ხომ ბედნიერება იქნებოდა! მეორეც, ეულიანა ამხანაგ გოგონებს შეხვდებოდა, და ისიც ბულონის ტყეში. იქ ხომ მაღალ ხეების ჩრდილში ირბენდნენ, ითამაშებდნენ, წყალვარდნილსა და ტბას ნახავდნენ, ტბაზე ნავით იცურავდნენ...

ეულიანას იმ დამეს ამაზე ოცნებით ჩაეძინა.

მეორე დღესაც მეტ დროს მომავალ სიამოვნებაზე ფიქრს ანდომებდა და ელოდა იმ სასიხარულო კვირას, მაგრამ მესამე დღეს, მოულოდნელად, პარიზში გერმანელი ფა-

\* ლუმანიტი—კაცობრიობა.

შისტების ჯარები შემოვიდნენ და მისი საყვარელი მამა — მუშა როყე შინ აღარ დაბრუნებულა.

სად არ იკითხა მისმა დედამ როყეს ამბავი, ვერსად გაიგო — ზოგი ამბობდა გერმანელებმა პარიზში შემოსვლის დღეს მოჰკლესო, ზოგიც არწმუნებდა, რომ დაპატიმრებულია და აწამებენო. დანამდვილებით კი ვერაფერი გაიგო.

ოჯახის მამა უკვალოდ დაიკარგა.

დაობლდა პატარა ყულიანა.

დედაც, რომელსაც უკვე ოჯახი უნდა ერჩინა, ბავშვს მარტო სტოვებდა. ყულიანა მთელი საათობით იჯდა ნესტიანი ოთახის ფანჯარასთან წიგნით ხელში და სამუშაოდან დედის დაბრუნებას ელოდა ხოლმე.

მას აღარც ბულონის ტყე ახსოვდა, აღარც თავისი პატარა ამხანაგები...

მისი ერთადერთი ნატვრა ის-ღა იყო, რომ აღვილიყვნენ გერმანელი ფაშისტები და კვლავ თავისი საყვარელი მამა დაენახა.

ამის ნატვრაში სამწელიწადნახევარმა განვილო. ყულიანა გაიზარდა, იგი ცხრა წლისა ხდებოდა.

ამ ხნის მანძილზე მან ბევრი გაკირვება ნახა: გამოსცადა შიმშილი, შიში პარიზის დაბომბვის გამო, უფრო კი გესტაპოს მიერ მუშათა უბნების აწიოკების დროს, იარა მონჩებშიც, ფეხშიშველმა.

ერთ დღესაც, ეს იყო 1944 წლის აგვისტოს შუა რიცხვებში, გვიან ღამით მათთან ერთი მუშა მოვიდა.

ყულიანას დედა კერვით მოქანცული ფეხზე დახვდა ლამპის მბჟუტავი სინათლის წინ, ნემსით ხელში.

— როყეს ხსოვნის პატივსაცემად კომუნისტურმა პარტიამ თქვენ ნღობა გამოგიცხადათ და გამოგიგზავნათ ფრიად საიდუმლო გამოცემა, — თქვა მუშამ და უბიდან ამოიღო გაზეთები. — აგერ „ლუმანიტე“ აჯანყებისაკენ მოწოდებით... დილაბნელზე უნდა გაავრცელოთ თქვენს უბანში.

როყეს მეუღლემ ღრმა მადლობის გრძობით გამოართვა გაზეთები და ჩაიხუტა გულში. როგორც კი მუშა წავიდა, ქალი ტანგაუხდელი მიწვა ყულიანას გვერდით.

ძილი არ ეკარებოდა. მან წარმოიდგინა, თუ დილაადრიან როგორ გავიდოდა, როგორი სიფრთხილით მიაღწევდა ბასტილიის მეტრომდის და როგორ დაიძახებდა ფაშისტთა მიერ აკრძალულ, ხალხის საყვარელ „ლუმანიტეს“. გამვლელები მას სიხარულით გამოართმევდნენ გაზეთს და თვითონ ახლა სხვაგან გადავიდოდა „ლუმანიტეს“ ძახილით.

ეს ფიქრები არ ასვენებდნენ როყეს მეუღლეს, მაგრამ მძიმე შრომით დაღლილმა უძა-

ლობას ველარ გაუძლო და რიყრაყზე ჩაეძინა...

ძილშიც კი მძიმედ სუნთქავდა ისევე, როგორც მარტო ყულიანას ესმოდა მისი გრძელწლოვანობა, მარტო მან იცოდა დედის საიდუმლო. — მას როდი ეძინა, მუშა რომ მოვიდა და დედამისს გაზეთები გადასცა. გაიგონა ისიც, რაც მუშამ დედას უთხრა და იმის შემდეგ რაღა დააძინებდა! სულგანაბული ელოდა



განთიადს, რომ დედას თან გაჰყოლოდა. ახლა, როცა დედას ჩაეძინა, ყულიანა წამოდგა, სასწრაფოდ ტანთ ჩაიკვა, ლამპას, რომელიც დედას დაუქრობელი დარჩენოდა, პატრუქი აუწია და ნათლად დაინახა გულში ჩახუტებული გაზეთებით ტანგაუხდელი დედის გაწამებული სახე...

შეებრალა, ძალიან შეებრალა დედა...

„არ გავალვიძებ, წავალ, მე გავავრცელებ და დაებრუნდებიო“, — გადაწყვიტა ყულიანამ, ფრთხილად გამოაცალა დედას გაზეთები და გავარდა გარეთ...

მეტრომდის რომ შიალწია, შორთო ძახილი:

„ლუმანიტე!“ „ლუმანიტე!“

დილაადრიან ადამიანები ლანდებივით ჩანდნენ... რამდენიმე გამვლელმა ყულიანას გაზეთი გამოართვა და გზა განავრძო.

ყულიანა ახლა სხვა ადგილას გადავიდა „ლუმანიტეს“ ძახილით...

ამ დროს ოტელ დე-ვილის\* მხრიდან რივოლის ქუჩით ორი შეიარაღებული გესტაპოელი მოდიოდა და „ლუმანიტეს“ ძახილი რომ გაიგონეს, ყურები ცქვიტეს, ფეხს აუჩ-

\* ოტელ-დე-ვილი პარიზის ერთ-ერთი შესანიშნავი ადგილია, სადაც საპატიო სტუმრებს იღებენ.

ქარეს და რამდენიმე წუთში გოგონას წინ გაჩერდნენ.

ყულიანამ კვლავ დაიძახა „ლუმანიტეს“ გაზეთი მათაც გაუწოდა.

„აი მაგისი ფასიო“, — მწარე დაცინვით წამოიძახა ერთმა გესტაპოელმა. რევოლვერის ხმა გაისმა და ბავშვი წაბარბაცდა.

— დედა! — უმწეოდ წამოიძახა გოგონამ და უსულოდ ძირს დაეცა.

გესტაპოელებმა სისხლით გასვრილი გაზეთი ზიზლით დააფარეს ბავშვის გვამს და ისევ ოტელ დე-ვილისაკენ გაბრუნდნენ. უცბათ ქალის ლანდი, თითქოს მიწიდან ამოვიდაო, გაჩნდა გესტაპოელების წინ და რევოლვერი მათ ზედიზედ დაახალა...

ფრანგი ქალი, რომელმაც შური იძია, მტრის ტყვიით განგმირულ ბავშვთან მივიდა, მის, ჯერ კიდევ თბილ ცხედარს თვალები დაუხუტა, მერე გაზეთები წამოკრიფა და სიტყვებით „მეც შენი დედა ვარო“, გაეცალა იქაურობას. მალე მოისმა იმ ქალის ძახილი:

— „ლუმანიტე!“ „ლუმანიტე!“

პარიზი აჯანყდა...



## პარლამ ქუჩული

### რუსთავის პარლამი

ხელისგულზე დაეტევა, ისე ნორჩი ხეა,  
რაც რუსთავში დაბინავდა, მგონი, ასი დღეა.

პაწაწინა ჭადარია, დიდ ქალაქში რგული,  
მშენებელთა სიყვარულით გათბობია გული.

ხარობს ახალ ხეივანში, ყვავილნარის გვერდით,  
მზეო, სხივით ეალერსე, გაუმაგრე მკერდი.

წელს პირველად გაზაფხულმა მისცა მწვანე ფერი,  
ჩიტმა ფრთებით გაუბერტყა გზატკეცილის მტვერი.

ჩვილ ფოთლებით შეიმოსე, მცენარეო ჩვილო,  
ტოტი ტოტზე გამოისხი, გაზაფხულის შვილო.

ამწვანდი და ალამაზე ლითონების კერა,  
მამულს უფრო შეგაყვარებს დღეს რუსთავის ცქერა.

თავზე გადგას სილაჟვარდე, ცაფირუზის თაღი,  
დაამშვენე ქართლის მიწა და ქალაქის ბაღი.





### შენგვერა სტალინთან

ათი წელი შესრულდა რაც არ გვადფრთოვანებს თავისი ახალი გმირული გაფრენებით ვალერი ჩკალოვი; 1938 წლის 15 დეკემბერს, ახალი თვითმფრინავის გამოცდისას, დაიღუპა ეს სახელოვანი მფრინავი. ამ თარიღთან დაკავშირებით ვაქვეყნებთ

ჩკალოვის პატარა მოგონებას, რომელიც შეეხება სახელოვანი მფრინავის შენგვერას დიდ სტალინთან.

„1935 წლის 2 მაისს „გამოჭიმულ“ ვიდეო ჩი აეროდრომზე, ზურგი ჩემი საყვარელი თვითმფრინავისაკენ მქონდა მიქცეული. ჩვენი საუკეთესო კონსტრუქტორები და მფრინავები შესახვედრად დაეწყვნენ.

ჩვენ ერთსულოვნად ვუპასუხეთ ამხანაგ ვოროშილოვის მისალმებაზე. მის გვერდით მოდიოდნენ სტალინი და ორჯონიკიძე...

იოსებ ბესარიონის-ძე მე მომესალმა და კითხვების მოცემა დაშიწყა. მეგონა, თითქოს დიდი ხნის წინააღმდეგ ამხანაგ მელაპარაკებოდა. ჩემი მუშაობის შესახებ რომ მეკითხებოდა, ამხანაგმა სტალინმა ავიაციის დიდი ცოდნა გამოავლინა.

ეტყობოდა, ვოროშილოვს უკვე ეამბნა მისთვის ჩემი საპაერო თავგადასავლები, იმიტომ, რომ იოსებ ბესარიონის-ძემ მკითხა:

— რატომ არ ხმარობთ პარაშუტს და ჩვეულებრივ ცდილობთ მანქანა გადაარჩინოთ? მე აფუხსენი, რომ დავფრინავ საცდელი ძვირფასი მანქანებით, რომლებსაც საჭიროა გავუფრთხილდეთ რაღაც უნდა დაჯდეს. გამოცდის დროს აზრი იქითკენ მაქვს მიმართული, რომ მშვიდობით მივიყვანო მანქანა მიწამდე.

— თქვენი საიცოცხლე, — თქვა ამხანაგმა სტალინმა, — ჩვენთვის ყოველ მანქანაზე ძვირფასია, უსათუოდ უნდა იხმაროთ პარაშუტი, თუ ეს საჭიროა!“

### კ. გომიანვილი

## ძიამ ბოჩოლა მაჩუქა

ძიამ ბოჩოლა მაჩუქა,  
წაბლისფერბეწებიანი,  
თვალდიდა, სახე ღამაზი,  
ბაკუნა ჩლიქებიანი.  
და იცით რატომ? ზაფხულში  
ვეხმარებოდი მამასა,  
თავთავებს ვკრეფდი, ბარაქა  
არ დაჭკლებოდა ყანასა.  
და განა მარტო იმისთვის  
რომ ვკრიფე ხორბლის თავთავი?  
გამოფუხარდე კოლექტივის  
თორმეტი თეთრი ქათამი.  
ახლა თორმეტი და-ძმანი,  
თოვლივით თეთრი ფრთამალი,  
ერთად დადიან, მღერიან,  
წინ უძღვით კობტა მამალი.

და თავმჯდომარემ ეს მითხრა:  
— რაკი ხარ ასე გამრჯეო,  
მინდა, რომ კარგი საჩუქრით  
შენ კმაყოფილი დარჩეო.—  
მაჩუქა ნიშა ბოჩოლა,  
თაფლისფერთვალეზიანი,—  
უხდება მინდვრად კუნტრუში,  
ხარი, წკრიალახმიანი.  
მომძახის, მუდამ თან დამსდევს,  
მარდი და ხალისიანი,  
მეც მზრუნველობას არ ვაკლებ,  
ბალახი უყვარს ცვრიანი.  
და როცა დიდი ვახდება,—  
იმიტომ ვზრდი და ვასუქებ,  
იმის პატარა ბოჩოლას  
ისევ კოლექტივს ვაჩუქებ.

# ურჩუემში



ურჩუემი შორისა... ჯერ ლენინგრადიდან მატარებლით უნდა იმგზავროთ ქალაქ ვიატკაში (ახლანდელი კიროვი), შემდეგ კი მდინარეზე — ჭეშით პირდაპირ ურჩუემამდე. თუ იმგზავრობა ზამთარში მოგიხდათ, მარხილით უნდა წახვიდეთ. ვიატკიდან ურჩუემამდე 165 კილომეტრია.

ნახევარი საუკუნის წინათ ურჩუემი ძალიან მოსაწყენი ქალაქი იყო. ერთადერთი რაც აქ აღაძიანს იზიდავდა, ეს იყო ჩქარი მდინარე ურჩუემკა და მთავარ ქუჩაზე ჩამწყრივებული ალვის ხეები.

ამ ქალაქში პოლსტოვალოვის ქუჩაზე (ახლა თავისუფლების ქუჩას უწოდებდნენ) დაიბადა და ბავშვობა გაატარა სერგეი მირონოსძე კიროვმა — სეროიყა კოსტრიკოვმა. სეროიყას ჰყავდა მამა, დედა და დები: — უფროსი ანიუტა და უმცროსი ლიზა, აგრეთვე, მოხუცი დიდედა — მელანია ავდეის ასული, რომელიც ცალკე ცხოვრობდა — დადიად იყო მოხელე პერევეზჩიკოვთან.

სეროიყას მამა ერთხანს ტყისმცველი იყო, მაგრამ იქ იმდენად მცირე ხელფასს აძლევდნენ, რომ ოჯახს ვაი-ვაგლახით გაჰქონდა თავი. სეროიყა შვიდი წლისა იქნებოდა, როცა მამამ გადასწყვიტა სამოვარზე წასვლა ვიატკაში. მამა ფიქრობდა, იქ ცოტა რამეს ვიზოვი და შემოდგომაზე შეინ დავბრუნდებო. მაგრამ უკვე ზამთარი დადგა და მამა კი არ დაბრუნდა. უგზო-უცვლოდ დაიკარგა. ამბობდნენ, ვიატკაში მოკვდაო.

სეროიყას დედამ ეკატერინე კუზმას ასულმა ერთ ნაცნობს თხოვნა დააწერინა და გაგზავნა ვიატკაში, მაგრამ იქიდან პასუხი არ მიუღია. ოჯახი უმამოდ დარჩა... ბოლოს ეკატერინე იძულებული შეიქნა თავად წასულიყო მდინარეების ოჯახში სამუშაოდ, რათა სამი მცირეწლოვანი შვილი ერჩინა.

დედის სამუშაო იოლი როდი იყო. იატაკის წმენდა, თეთრეულის რეცხვა. ქარბუქში თეთრეულით სავსე ორხელიან კალათებს მიათრევდა ურჩუემკაზე, რომ ყინულჭრილში გაერეცხა. ერთხელ ეკატერინე მაცვივდა. ავად გახდა, ახველებდა. მეზობლის ქალები ამბობდნენ: — კუზმოვნას საქმე ცუდად

არის, ტლექი სჭირს, გაზაფხულამდე ვერ მიაღწევსო.

კარგა ხანს იავადმყოფა დედამ. დეკემბერში გარდაიცვალა. კუბოს მიჰყვებოდნენ ბებია მელანია შვილიშვილებით და მეზობლის ქალი თავისი ბავშვებით. ბევრი ძოვითოვა. ბავშვები ეფლობოდნენ ნამქერში. შუა გზაზე ბებია მელანია ლიზა და სერგეი მარხილზე დასვა, კუბოს გვერდით.

სიჩუმე სუფევდა სასაფლაოზე. ცერც კი მოასწერეს მიწით ამოვესოთ საძარე, რომ უცბათ წამოვიდა ხშირი თოვლი და ძაღვთეთრი სუდარით დაჰვარა კუზმოვნას საფლავი.

... ბებია მელანია მზრუნველობდა ამათ შემდეგ ობლებს. ძლიერ უჭირდა ოჯახს. ბოლოს სიღარიბით შეწუხებულმა მოხუცმა გადასწყვიტა ბავშვები თავმესაფარში მიეცა. მოხელე პერევეზჩიკოვი დაეხმარა ამ საქმეში. მხოლოდ სერგეის ასაკი იყო შესაფერი თავმესაფარისათვის. ტიროდა სერგეი ემუდარებოდა ბებიას, არ წაეყვანა თავმესაფარში. გული დაემდულრა საცოდაობით მოხუცს, მაგრამ რა შეეძლო! შინშილით აკვდილს კიდევ ის ამჯობინა, რომ სერგეი მცირეწლოვან ბავშვთა თავმესაფარში ჰყოლოდა.

გავიდა ხანი. წამოიზარდა სერგეი. მას შემდეგ, რაც სკოლაში დაიწყო სიარული, თავმესაფარის ცხოვრებას როგორც შეეგუა და იგი უკვე აღარ ეჩვენებოდა ისე მოსაბეზრებლად, როგორც წინათ. გამგე იულია კონსტანტინეს ასული სერგეით ძალიან კმაყოფილი იყო. სეროიყა თუმცა ხანდახან წაეჩხუბებოდა ბიჭებს, მაგრამ თავმესაფარის ბავშვებს კი არასოდეს არ უტყაბუნებდა გადაკრეტილ კეფაზე, არ უწევდა ყურს, როგორც ამას ზოგიერთი ჩადიოდა. სკოლაში სეროიყა კარგად სწავლობდა, ხოლო თავმესაფარის სახელოსნოში, სადაც კალათებს და ჩალის ქულებს წნავდნენ, მოხუცი ოსტატი მუდამ აქებდა ყმაწვილს.

ბებია მელანია მეზობლის ქალს ხშირად უამბობდა სეროიყას წარმატებაზე, თან დიდად კმაყოფილი დასძინდა:

— თავმესაფარში ამბობენ, რომ სეროიყასაფან კაცი გამოვაო.

\* ) ა. ვოლუჟიკას წიგნის „ურჩუემელი ყმაწვილის“ მიხედვით.

სეროიყა უკვე თერთმეტი წლისა იყო, როცა სამრევლო სკოლა დაამთავრა. ვინც სკოლაში კარგად სწავლობდა, მას სწავლის გასაგრძელებლად გზავნიდნენ ურჯუმის სამოქალაქო სასწავლებელში.

— კოსტრიკოვს რა უტერის! მას ხელად მიიღებენ სამოქალაქოში! — შენატროდნენ სეროიყას ამხანაგები.

ასეც მოხდა.

\* \* \*

1901 წელს ურჯუმის სამოქალაქო სასწავლებლის კურსდამთავრებულთა შორის პირველი მოწაფე — სერგეი კოსტრიკოვი იკავებოდა ყაზანის სახელოსნო სასწავლებელში. ყაზანში სერგეი სწავლობდა ძალიან კარგად, მაგრამ გაჭირვებაში ცხოვრობდა, ხშირად შიმშილობდა და ცუდად იცვოდა.

არდაღვივებს სერგეი ურჯუმში ატარებდა. ერთხელ სეროიყა და მისი მეგობარი სანია სამარცხევი ეწვივნ ძველ, ერთსართულიან სახლს. იგი მოხელის ქვრივს ეკუთვნოდა და იდგა მთის ძირას პოლსტოვალოვის ქუჩის ბოლოს. ამ პატარა სახლში ცხოვრობდნენ პოლიტიკური გადასახლებულნი, რომელთაც ქალაქში „მოჯანყებულნი“ ეძახდნენ.

ამ გადასახლებულთ ყმაწვილები დაუახლოვდნენ და ხშირად სთხოვდნენ საკითხავ წიგნებს. როცა კარგად შეეჩვივნ მათ, გადასახლებულთა სპრუდემ ერთ დღეს სერგეის მისცა გაზეთ „ისკრის“ ნომერი. ეს იყო პირველი არალეგალური გაზეთი, რომელიც სერგეის ჩატვარდა ხელში. „აი როგორი ყოფილა არალეგალური გაზეთი „ისკრა“, რომელსაც ლენინი უშვებდა საზღვარგარეთ და რომელსაც რევოლუციონერები მალულად გზავნიან რუსეთში!“ — ფიქრობდა სერგეი.

რამდენიმე ხნის შემდეგ გადასახლებულთა დავალებით ყმაწვილებმა „ისკრიდან“ წე-

რილი ამოსწერეს და ჰექტოგრაფზე გაამრავლეს. საქმე სეროიყული იყო, იგი დიდ სიფრთხილეს საჭიროებდა. მეორე დღე დაიბნა ეს ფურცლები ყმაწვილებს მოედანზე და მალმიყის გზატკეცილზე უნდა მიმოეფანტათ.

ის დამე ჭაბუკებმა უძილოდ გაატარეს და ქალაქში მოკვანტეს მოწოდება, რომელიც ამ სიტყვებით თავდებოდა:

„ძირს თვითმპყრობელობა! გაუმარჯოს რევოლუციას!“

1904 წელს კურსდამთავრებული სერგეი ყაზანიდან დაბრუნდა. ურჯუმში აქებდნენ სერგეის: — ტექნიკოს-მექანიკოსი გამხდარაო.

სეროიყას იმ ზაფხულს სანია ივანე ნიკონოვი გააცნო, ტომსკის ტექნოლოგიური ინსტიტუტის სტუდენტი. აგვისტოში სერგეიმ გადაწყვიტა ამ სტუდენტთან ერთად ტომსკში გამგზავრება რევოლუციური მუშაობის გასახადებლად.

როცა გემმა ურჯუმი უკან მოიტოვა, მგზავრები კაიუტაში შევიდნენ. სერგეი ვიწრო საწოლზე ჩამოჯდა, ნიკონოვი კედელთან იდგა და თამბაქოს ეწეოდა.

— შენ უნდა იცოდე, სერგეი, რა მოგელის! სახრჩობელა ყოველთვის მოსალოდნელია, ცინესა და გადასახლებაზე ლაპარაკი შედმეტია...

სერგეი ადგა თავი ცააქნია, შუბლიდან თმები გადაიყარა და მტკიცედ უპასუხა:

— ვიცი, ივანე!

ასე მტკიცე გადაწყვეტილებით გაჰყვა სერგეი კოსტრიკოვი — ურჯუმელი ყმაწვილი რევოლუციური მოღვაწეობის დიდ გზას; ასეთი იყო სერგეი შირონის-ძე კიროვის ბავშვობისა და სიტყბაუკის წლები.

დავით შაბათაძა





გიორგი კაჭახიძე

ერთმანეთის სუნთქვა გვესმის,  
ყველას ხმა გვაქვს გაკმენდილი  
და გვიტაცებს ერთი აზრით  
საყვარელი გაკვეთილი.

ზამთარია, თოვს და სარკმლებს  
არ შორდება ნისლი მკრთალი,  
მაგრამ სხივს გვფენს მასწავლებლის  
დინჯი სიტყვა, მკვირცხლი თვალი.

თან დაფაზე მისი ხელი  
ციფრებს ფანტავს ისე სწრაფად,  
თითქოს თოვლის ფანტელები  
აწყდებიან მწყობრად დაფას.

ვინ გაბედავს, აბა, ჩურჩულს,  
ვინ დაარღვევს ამ დროს წესრიგს?!  
მასწავლებლის ტკბილი სიტყვა  
ყველას გვზიბლავს, ყველას გვესმის.

თავგასული მხოლოდ ერთი  
მოლულუნე ბუხარია,  
დაზამთრებით უკვე საქმე  
რომ გაუჩნდა — უხარია.

მხიარულად სულ გიზგიზებს,  
ღუმილი და თვლენა არ სურს;  
ფიქრში რომ ვართ, გაიხუმრებს —  
გაგვაგონებს ცეცხლის ტკაცუნს.

გუნდად ნასროლ ნაპერწკლებით  
თავს გვახსენებს, გაგვიცინებს...  
გარეთ თოვს და ფანტელები  
აწყდებიან სარკმლის მინებს.





# ბოროტი გულისთქმა

ნოვკოვ იავორსკი



პირველი, რაც თვალში მოხვდა ბაი მლადენს, ავტომატის ლულა იყო, მისკენ დამიზნებული. დააკვირდა და თხილნარში ფერმკრთალი, უცნობი ჭაბუკი დაინახა. ჭაბუკმა გადასწია შტოები, მოიხარა წელში და მარცხენა ფეხის თრევით გამოვიდა ბილიჯზე.

— გამარჯობა!

ბაი მლადენმა თავი დაუქნია:

— გაგიმარჯოს!

— შეგეშინდა, განა?

— მე! რისი უნდა შემშინებოდა!

— იმისი, რომ შემეძლო მომეკალი.

— რისთვის უნდა მოგეკალი? განა რამე გაწყენინე?

— არა. მაგრამ, ვთქვათ, შენი გაძარცვა მომენდომებია.

— რას ამბობ! — ნაღვლიანად ჩაიღიმა ბაი მლადენმა. — რა გამაჩნია! მთელი ჩემი სიმდიდრე ეს ჩემი ჩანთაა და ქოხი სოფელში. არც ფული და არც მიწა არ მაბადია. დიდი ხანია რაც წამართვეს.

— ვინ წაგართვა?

— როგორ თუ ვინ! განა ცოტაა?! ბეგარის ამკრეფი, ბობოლა გლეხი პეტეო, ჩვენი ხუცესი.

— და შენ დაუთმე?

— მოდი და ნუ დაუთმობ! ვინ გეკითხება! ბობოლა პეტეომ საიდანღაც მოიგონა, თითქოს მისი ფული მემართა, მოვიდა და ძროხა წამართვა. ასევე მომექცნენ ბეგარის ამკრე-

ნოვკოვ იავორსკი ცნობილი თანამედროვე ბულგარელი მწერალია. მოთხრობაში „ბოროტი გულისთქმა“ იავორსკი გადმოგვცემს ბულგარელი ხალხის პარტიზანული ბრძოლის ერთ-ერთ ეპიზოდს.

ფი და ხუცესი. მერე კინალამ ჩხუბიც მოუვიდათ მათ ერთმანეთთან ჩემი მიწის გაყოფაზე. ყველას ვუჩივლე, მაგრამ არაფერი გამოვიდა. ტყუილ-უბრალოდ უკანასკნელი გროშიც მივასხარჯე სასამართლოში.

— მერე?

— მერე! მერე ცოლი გამიხდა ავად და მოკვდა. შვილი არ მყავდა. გამოვკეტე ჩემი ქოხის კარები და მოჯამაგირედ წავედი, შემდეგ ხე-ტყის სახერხ ქარხანაში ვმუშაობდი. მერე მტვირთავ მუშად, მერე ქუჩებს ვგვიდი სოფიაში.

ჭაბუკმა ამოიხვნეშა, დაჯდა ბუჩქის ჩრდილში, გვერდით ავტომატი დაიღო და ნელა გამართა დაჭრილი ფეხი. ბაი მლადენმა მოიხსნა ჩანთა, მის გვერდით დაეშვა, დიდი ხნის გაუბარსავ ლოყაზე დაკოჭრებული თითები მოისვა და განაგრძო:

— სამუშაო კი არსად არის. ორი კვირა ვიხეტიალე ქალაქში, ყველას ვემუდარებოდი სამუშაო მოეცათ, — ვერაფერი გავაწყე. იძულებული გახდი სოფელში გამოვბრუნებულყავი. აი, მოვდივარ, მაგრამ გალატაკებულ სოფელში რა დამრჩენია! ცუდ დღეში ვარ, ძმობილო.

პარტიზანმა თავზე ხელი შემოიღო, მიაცქერდა გლეხის რუხ ჩანთას და კვერი დაუქრა:

— ჰე, ცუდად ცხოვრობენ. ცუდად! არც მე ვარ კარგ დღეში. ჟანდარმებმა დამჭრეს; ავერ ორი დღეა აქ ვწვალობ და ფოთლებს ვღეჭავ. აბა, ამ ფეხით სად უნდა წავიდე?

მხოლოდ ახლა მიხვდა ბაი მლადენი, თუ რატომ უცქერდა ასე დაჟინებით ჭაბუკი მის ჩანთას, და აფუსფუსდა:

— გეთყავა... ნუ გაჯავრდები, ვერ მოვიფიქრე... აი, ჩანთაში პური და პილპილია. აი-ლე, ჭამე!

პარტიზანმა ამოიღო პური ჩანთიდან, გატეხა შუაზე და ნახევარი გლეხს გაუწოდა.

— არა, შენ ჭამე... არ მინდა რალაც! — თქვა ბაი მლადენმა.

ჭაბუკმა გაიღმა და შეუდგა ჭამას. გლეხი წამოწვა მის გვერდით და ფიქრს მიეცა.

„შეხეთ ამას!“ — ფიქრობდა ის. — „ყმაწვილია და ჟანდარმერიას ეომება! მე კი სამსვერ გავუძვალავდი — ბეგარის ამკრეფს, სოფლის ბობოლას და ხუცესს!“ ეს ყოველივე სასაცილოდ მოეჩვენა და გაეცინა გუნებაში. ასწია თავი და ცნობისმოყვარეობით დაუწყო თვალღერება პარტიზანს.

— შენ, როგორც ჩანს, ოცი წლის არც კი იქნები?

— ცხრამეტი შემისრულდება აგვისტოში, — უპასუხა ჭაბუკმა და გადაყლაპა პურის უქანასკნელი ლუკმა. — როგორ, ახალგაზრდა ვარ შენის აზრით? მაგრამ შეხედე ამ თავს, — მან თითო მიიღო თავზე, — ამაში ორმოცდაათათასს იძლევიან!

— ჩემსაში კი ყურგაზვრეტილ კაბიკსაც არავინ იძლევა, — გაიცინა ბაი მლადენმა. — რა მოგივიდა? გტკივა? — ჰკითხა მან მოულოდნელად ჭაბუკს, რადგან შეამჩნია, რომ პარტიზანმა ტუჩები მოკუმდა სიმწრისაგან. — მოიტა ვნახო!

ტყვიას მუხლში გაეელო. ჭაბუკს ფეხი გასივებოდა, ჭრილობა ჩირქდებოდა.

— ჰაი, აი, აი! — გადააქნია თავი ბაი მლადენმა. — მაგრად მოგხვედრია!.. მოიცა! მრავალძარღვათი გაგიწმენდ ჭრილობას, ერთბაშად დაგიამდება.

იგი მალე, იქვე წააწყდა მრავალძარღვას. მაგრამ მოვლიჯა თუ არა პირველი ფოთოლი, გლეხი უეცრად გაშეშდა მოულოდნელი აზრისაგან. ორმოცდაათი ათასი! მართლაცდა, თითოეულ მოკლულ პარტიზანში ხელისუფლება ხომ ორმოცდაათათასს იძლევა! და მას, სულელს, ამაზე არც კი უფიქრია! ერთი დარტყმა და... აი, თუნდაც ამ კეტით.. დარტყმა თავში... მერე წაიღებს ავტომატს, ხელყუმბარებს, რევოლვერს. მერე სოფელში, ანდა უმჯობესია, ქალაქში განაცხადებს. მხოლოდ მოკლულის გვამს დამალავს თხრილში. მოვლენ, ნახავენ, — და აი შენ ორმოც-

დაათითასი! აღარც შიმშილი, აღარც გაჭირვება!

ბაი მლადენმა მიმოიხედა. მსხვილი ეგდო მის ახლო, მაგრამ ჭაბუკმა ჩნო და შეიგ მუცელში ჩამაჭედოს ავტომატის ტყვია, — მაშინ მშვიდობით ყოველივე: ან იქნებ სჯობდეს შივეპარო მას, იქვე დაველო ქვას ხელი და ვხეთქო თავში? ანდა, უბრალოდ, ვწვდე ყელში და დავახრჩო?

ბაი მლადენი ჩუმად მიეპარა დაჭრილს. ჭაბუკი გულაღმა იწვა, თვალბმინაბული. ამ დროს ბუზი ბზუილით აფრინდა ჭრილობიდან, დატრიალდა ჰაერში და ჭაბუკს ხელზე დააჯდა, რომელშიც ავტომატი ეჭირა. ბაი მლადენს ყურებმა წივილი დაუწყო. სისხლი თავში აეუარდა. თვალბამღვრულმა მიმოიხედა და დაიხარა ქვის ასაღებად. უეცრად... ჭაბუკმა თვალბები ვახილა.

რამდენი ნდობა და მადლობა გამოსჭვივოდა მის დაღლილ, ცისფერ თვალბებში!

რადაც მოსწყდა გლეხს გულში. წელში გასწორდა და ერთბაშად საშინელი სისუსტე იგრძნო. მან იგრძნო მწვავე ტკივილი და რაღაც სიმძიმე სირცხვილისაგან. უნდოდა თავისი გული ამოეგლიჯა სუნთქვაშეკრულ მკერდიდან. ჭაბუკმა დაინახა, თუ როგორ მძიმედ დაეშვა გლეხი ბალახზე, თუ როგორ აუტაცებდა მას ღონიერი მხრები, — და წაფოფხდა მისკენ.

— ამხანაგო! რა მოგდის!

— არ მომიჯარო! — შეჰყვირა ბაი მლადენმა. — ვერ ხედავ, განა! შენი მოკვლა მიწოდდა!

— ჩემთვის ყველაფერი გასაგებია. ცხოვრებამ გაგაბოროტა, შენს ადგილზე ბევრი სხვაც ასე მოიქცეოდა. ნამდვილად კი ცუდი ადამიანი როდი ხარ. ეს მხოლოდ წუთიერი გულისთქმა იყო.

„ცუდი ადამიანი არა ვარ? როგორ თუ ცუდი არა ვარ, როდესაც ესესა კინლამ მოეკალი ჭაბუკი, — დამშეული, დაჭრილი, რომელმაც ნაცვლად იმისა, რომ ჩემთვის ტყვია ეკრა მკერდში, ადამიანურად მთხოვა ლუკმა-პური!“

— მითხარი, შენი ამხანაგები ყველანი შენისთანაა? გაკვირვებით შეეკითხა იგი პარტიზანს.


— ყველანი! — ღიმილით მიუგო მან.

...და მომხდარი შემთხვევით ჯერ ისევ რეტლასხმულმა ბაი მლადენმა შემოიღვა თავზე თავისი ზორბა დაკოყრებული ხელები და პირველად თავის სიცოცხლეში ხმამალა გამოთქვა თავისი ნათქვამი:

— ეჰ! როგორ მინდა ჩემი უვარგისი თავიც შეფასებული იყოს ორმოცდაათათასად!

თარგმნა უ. გვინჩიძე





ანდრო ლომიძე



აგვისტოს მზემ მთიდან თავი ამოჰყო.  
გატენილი ვაზნებით სავსე ფალასკა წელ-  
ზე შემოვირტყი, თოფი ავიღე და გვრიტებ-  
ზე სანადიროდ გავწიე.

ზღვის პირას, გვიმრებში უყვართ გვრი-  
ტებს გოგმანი.

შევდექი, თვალეზე ხელი მოვიჩრდილე  
და გვიმრებს დავაკვირდი.

რალაც მოძრავი წერტილი შევნიშნე.

„გვრიტია!“ — გამეხარდა.

გვრიტი ძალიან ფრთხილია. ამიტომ ჯერ  
წელში მოხრილი ვეპარებოდი, მერე კი სი-  
ლაზე დავწეკი, გავზოხდი.

სროლის მანძილზე რომ მიეფახლოვდი, გა-  
ვინაბე, თვალეებს ძალას ვატანდი, მაგრამ  
ამაოდ. გვრიტი ვეღარ დავინახე.

„ალბათ შემამჩნია და გაფრინდა“. — გა-  
ვიფიქრე.

ავდექი, სილა ჩამოვიფერთხე.

კარგა ხანს ვიარე. კვლავ შევნიშნე გვრი-  
ტი და სილაზე დავწეკი. მივსრიალებდი.

მზემ დააცხუნა.

დადლილმა, გაოფლიანებულმა შევისვენე.  
ჩემს გვერდით ხარაბუზა ნეხვის გორგალს  
უკანა ფეხებით მოაგორებდა.

კია-მაია ზედ თოფის ლულაზე დაფრინდა,  
ლამაზი, ფერადი ფრთები შეიკეცა.

გარკვევით ვხედავდი გვრიტებს. რამდენი-  
მე მეტრი კიდეც და... თოფს ვესროდი. ამ  
დროს კისერზე ბუზარა დამაჯდა. ბუზარას  
მოსაკლავად ხელი ზევით რომ ამეწია, გვრი-  
ტები, დამინახავდნენ, გაფრინდებოდნენ.

მხრები და თავი ავამოძრავე, მაგრამ, სანამ  
ძალღვივით არ მიკბინა, არ მომშორდა. კბი-  
ლები დავაკარტუხე ტკივილისაგან, თვალეები  
დავხუტე, კისერზე ხელი ვიტაცე. როცა თვა-  
ლები გავახილე, გვრიტები გვიმრებში აღარ  
ისხდნენ. გაცოფებული წამოვვარდი. აქეთ-  
იქით ვიხედებოდი, ჩემს მტერს — ბუზარას  
ვეძებდი.

გზა განვაგრძე.

გვრიტების გუნდი სულ ახლოს დაფრინდა.  
არ დავწოლილვარ, გავიფიქრე:

„თუ მიმიშვებს, ვესვრი. დავიღალე, აღარ  
შემიძლია ხოხვა“.

ჩემსა და გვრიტებს შორის მანძილი მოკ-  
ლდებოდა, მაგრამ გვრიტები ყურადღებას  
არ მაქცევდნენ.

„წელს არიან გამოჩეკილნი, არ ეშინიათ“.

— გადავწყვიტე.

სამმა გვრიტმა ერთად მოიყარა თავი. ვეს-  
როლე. სამივე მოვკალი. სროლის ხმაზე სხვა  
გვრიტები სილას მოსწყედნენ და ისევ დასხ-  
დნენ.

იმ დღეს რვა გვრიტს სული გავაცხებინე.  
ერთი გაფრინდა. გვრიტები ავკრიფე.

თოფში ახალ ვაზნებს ვაწყობდი, დავინა-  
ხე: გვრიტი ჩემსკენ მოფრინავდა. თოფი რომ  
დავუმიზნე, უცებ ზევით ავარდა, მერე ქვე-  
ვით დაიწია, ისევ ზევით...

„ბებერო! შენ იცნობ თოფს. იქნებ შენს  
სხეულში ახლაც ზის შარშანდელი, თუ შარ-  
შანწინდელი საფანტია...“ — ვთქვი და თოფი  
არ ვესროლე, შემეცოდა.



# შიო შოთაშვილი

გარდაცვალებიდან 15 წლისთავი



დიდი წარსულის მქონე ქართულ ლიტერატურაში შიო მღვიმელს ფრიად საპატიო და თავისებური ადგილი უკავია. უყოყმანოდ უნდა ითქვას, — შიო იყო პირველი ქართველი პოეტი, რომელმაც სამწერლო ასპარეზზე გამოსვლის პირველ წლებშივე იგრძნო საბავშვო ლიტერატურის დიდი მნიშვნელობა და საჭიროება და რომელმაც მთელი სიცოცხლის მანძილზე ძირითად სამოღვაწეო სარბიელად საბავშვო პოეზია გაიხადა. შიო მღვიმელი 50 წელიწადი ემსახურებოდა ქართულ საბავშვო ლიტერატურას. პოეტში იმდენად ძლიერი იყო ბავშვისა და პოეზიის სიყვარული, რომ მას სიკვდილამდის კალმისათვის ხელი არ შეუშვია. შიო მღვიმელის დაუღალავმა და ენერგიულმა მუშაობამ თვალსაჩინო ნაყოფი გამოიღო და ბევრი მიწის ლექსი ქართული საბავშვო პოეზიის შედევრს წარმოადგენს.

შიოს შექმნილი ბავშვის ფიქრისა და გრძობის გაგება, ბავშვის ენით ამეტყველება; ბავშვის სიხარული და მწუხარება პოეტის სიხარული და მწუხარება იყო. შიოც თავის დიდ გრძობას ბავშვებისადმი ერთ-ერთ ლექსში გულწრფელად და მთელი ხმით გამოხატავს:

—სულ ვმდერი ერთის გულითა,  
ვნატრობ: გამაძღე ბუნებავ,  
ბავშვების სიყვარულითა“.

1916 წელს პოეტი წერდა:

„მაშინა ვარ ბედნიერი,  
მხოლოდ მაშინ ტკბება გული,  
როცა მესმის ნორჩი ყრმების  
სიცელქე და ჟრიამული“.

შიო იმდენად საკუთრად და თავისად თვლიდა ბავშვებისადმი თავის დიდ სიყვარულს, რომ გაბედულად და ლაღად ლაპარაკობდა:

„ცხოვრებისგან გადატეხილს  
და ბედისგან მწარედ ძღუელს

ვინ წამართმევს ამ სიმდიდრეს,  
ვინ წამართმევს ამ განძულს?!“

ქართულ საბავშვო ლიტერატურაში ბევრი თვალსაჩინო და დიდი მწერალი მოღვაწეობდა, მაგრამ ქართველ ბავშვებს არ ჰყოლიათ შიოსებურად მოსიყვარულე და დაუღალავი მომუშავე, შიოსებური ხმით ამღერებული პოეტი. ბავშვებსაც ძლიერ უყვარდათ თავისი დიდი პოეტი და „ძია შიო“ უწოდეს მას.


თავისი თემატიკით, საგნების ხილივის თავისებურებით, თავისი სადა, მხატვრული ენით, ბავშვების ბუნების ღრმა ცოდნით და ლამაზ ლექსებში ოსტატურად მისი გადმოცემით შიო მღვიმელმა სამართლიანად დაიმსახურა ქართული საბავშვო პოეზიის კლასიკოსის სახელი.

საბჭოთა წყობილების მზიანმა დღეებმა შიო მღვიმელს მოხუცებაში შესვლისას მოუსწრო.

დუხჭირ ცხოვრებაში გამოვლილმა, დიდი გაჭირვებისა და სიღარიბის განმცდელმა შიომ საკუთარი თვლით ნახა მშრომელთა განთავისუფლება მონობის უღლისაგან. თვითონაც თავისუფალმა და ბედნიერმა ჭაბუკური გზებით განიცადა ძლევათა სოციალიზმის მშენებლობა. მართალია, ამ დროს ადრინდულად არ მოსდევდა ჯანი, მაგრამ მაინც ჭაბუკური აღტკინებით გამოეხაურა საბჭოთა ქვეყნის მზიურ სწრაფვას, მის შინაარსიან დღეებს და სათანადო ამაგიც დასდო ქართულ საბჭოთა საბავშვო პოეზიას.

შიო მღვიმელის ლექსებმა დიდი სამსახური გაუწიეს ქართველ ბავშვებს. მისმა პოეზიამ ნორჩ თაობას შეაყვარა ლექსი და წიგნის კითხვა, შეაყვარა შრომა, სკოლა და მასწავლებლები. შიოს პოეზია ბავშვებს უღვივებდა სპეტაკ ადამიანურ გრძობებს, სიცოცხლის სიყვარულისა და სიხარულის გრძობებს. ამ დიდ ღირსებას შიოს პოეზია დღესაც შეუწელებლად ინარჩუნებს, — მას მიმზიდველობასა და ბრწყინვალეობას აძლევს.





მიხილ ლეჟანე

ნახატები შ. ცხადაძისა

მ ო თ ხ რ ო ბ ა

ავგისტოს საამური დილა გათენდა. ამომავალ მზეს შეჭხაროდა ახლად გაღვიძებული ბუნება. ორღობეებიდან ისმოდა სამუშაოდ მიმავალი კოლმეურნეების მხიარული საუბარი.

ქეთინოც მკვირცხლად გამობტა სამზარეულო სახლიდან და ეზოს ბოლოში დაბმულ საქონელს მიაშურა. მალე მას უმცროსი ძმა, ლეოც მიჰყვა.

— შეხედე, ლეო, რა ლამაზია ჩემი ნათო. როგორი კოპწია და პრიალა რქები აქვს, ალერსიანი თვალები, ლამაზი თავ-ყელი, ჯეირანივით დგას!

— ჩემი ნიკორა განა ცუდია? — წამოიწყო ახლა ლეომ. — შოლტივით მოქნეული ტანი აქვს, მუშტის ოდენა თვალები. ისეთი ღონიერი იქნება, ისეთი, რომ სანდროს ლომას წამოაჩოქებს.

— არა, ძამია, ჩემი ნათო ჯობს.

— რითი ჯობს შენი ნათო ნიკორას?

— იმითი, რომ ძროხა იქნება.

— ჩემი ნიკორა არ იქნება ხარი თუ?

— მერე რა, რომ იქნება, ხარს ძროხა ჯობს.

— რას ამბობ, გოგო, ხარს ძროხა როგორ ჯობს?!

— როგორ და კარგად, წელან რომ ჰყლინტ ყველს მიირთმევი, ის ძროხის ნაწველი იყო.

— წელან რომ ცხელ მჭადს ილუკმებოდი, ის ხარის ნამუშევარი იყო.

— არაფერიც, ის ტრაქტორის ნამუშევარი იყო. შარშან რომ ძია პეტრემ ტრაქტორები მოიყვანა და მთელი ფართობი ორ-სამ დღეში გადახნეს?

— აბა, ჩვენი კოლექტივის თავმჯდომარეს, ძია ვანოს არაფერი ცოდნია.

— რატომ?

— გუშინწინ, მდინარეზე საბანაოდ რომ მიმყავდა ნიკორა, ძია ვანო შემხვდა და მითხრა: ყოველდღე თუ ასე კარგად მოუვლი ნიკორას, დაგაჯილოვებო. მე ხომ კოლექტივის ვუზრდი ნიკორას! ხარად რომ გამოდგება, უნდა ჩავაბარო... ძია ვანომ უფრო იცის, თუ შენ?

— მე ის ვიცი, რომ ნიკორა მაინც და მაინც საჭირო არაა. — თქვა ქეთიმ და გადიკისკისა.

— კი, როგორ არა! — მიუგო ოდნავ გაბუტულმა ლეომ და ისევ განაგრძო: — კარგი, თუნდ მიწა ტრაქტორებმა მოხნეს და დაამუშავეს, აღებული მოსავალი ხომ ხარებმა უნდა მოიტანონ?

— ავტომობილებით მოვიტანო.

— იპ, რას ამბობ, ჩვენს კოლექტივს სადა ჰყავს ავტომობილები! — ხელის აქნევით უპასუხა ლეომ დას, სახეზე ღიმილი აუთამამდა და ნიკორას უფრო მიუახლოვდა.

— დღეს თუ არა ჰყავს, მალე ეყოლება. მასწავლებელმა გვიამბო: ქუთაისის მახლობ-

ლად საავტომობილო ქარხანა შენდება და აუარებელ მანქანებს გამოუშვებსო.

— ეს მეც ვიცი, მაგრამ მოიტანე სიმინდი და ჭამე, დაფქვა არ გინდა? წისქვილში ხომ ხარებმა უნდა წაიღონ სიმინდი!

— ავტომობილებით წავიღებთ.

— წისქვილის ვიწრო გზაზე ავტო როგორ გაივლის, გოგო, შენ სულ არაფერი არ გცოდნია.

— სულელო, წისქვილის გზას ორ-სამ დღეში გააფართოვებენ. რა არის იმ მოკლე გზის შეკეთება. — სხაპასუხით მიუგო ქეთომ, იქვე მდებარე წიფლის ხის მორზე შეხტა, ძმას გამომწვევად გადახედა და მხიარულად შესძახა:

იყო და არა იყო რა,  
ღრო გაუთლია ნიკორა.

— არ მივდივარ ყანაში. შენ წადი მარტო, — თქვა გაჯავრებულმა ლეომ და შებრუნდა.

ქეთომ სიცილი შეწყვიტა და ლოს დაედევნა.

— რათ არ მოდიხარ ყანაში?

— შენ მარტო წადი და წაიყვანე შენი ნათო.

— მე მარტო მეშინია, ბიჭო... მერე და ორივე როგორ წაიყვანო! ნიკორას ჭამა არ უნდა? შეხედე როგორ გიცქერის!

— თუ არ ვარგა, რად უნდა ვაჭამო?

— კი ვარგა, ძამიკო, კი... შეხედე რა ლამაზია!



— არა, არ მოვდივარ, — გადაკრით თქვა გაჯიუტებულმა ლეომ. მაგრამ რაინაა, რომ დიდ ხანს არ გასტანდა მისი ქეთოს შეეშინდა, ვაი, თუ მათთვის წამოვიდეს ლეო ყანაშიო.

— გუშინ რომ მახეები დააგე ფეტვის ყანაში, იქნებ მწყერია გაბმული!

— იქ მერე წავალ, — მოკლედ მოუჭრა ლეომ.

ამ დროს სახლიდან დედა გამოვიდა. დაინახა თუ არა გაბმული ლეო, მიზეზი ჰკითხა. ქეთომ დაასწრო ძმას და ყველაფერი უამბო დედას.

დედას გაეცინა. ლეოსთან მივიდა, თავზე ალორსიანად გადაუსვა ხელი.

— ამისათვის ჯავრობ, მეილო? ავტომობილები ახლაც ბევრი გვაქვს და მალე მეტი გვექნება, მაგრამ ნიკორაც საჭიროა. წადი, გენაცვალოს დედა, წაიყვანე შენი ნიკორა და კარგად გააძღე.

— შევრიგდეთ ძამია! — წამოიძახა ქეთომ და ლეოს ხელი გაუწოდა.

ლეოს არაფერი უთქვამს. დას გაუღიმა მხოლოდ. მერე იბრუნა პირი და ნიკორასაკენ გაეჭანა. მას ქეთოც მიჰყვა.

ბავშვებმა სწრაფად ახსნეს ხეებზე მიბმული ნათო და ნიკორა. ნამგლები მკლავზე გადაიდგეს და ეზოდან გავიდნენ.

მათ თან გიშერაც აედევნა.

სოფლის შარა-გზაზე ლეომ ჩრდილში მათამაშე სკოლის ამხანაგები კოტე და მიტო დაინახა. გაუსწორდა თუ არა მათ, ღიმილით გაეხმაურა:

— კოტე, წამოიყვანე შენი საქონელი, კაპეტებში\* ბევრი ბალახია, მალე გავაძღებთ.

— ჩემი ძროხა და დეკეული ბებიამ წაიყვანა, — მიუგო კოტემ და მიტოსთან თამაში განაგრძო.

ლეოს მეტი არაფერი უთქვამს. ნიკორა გაირეკა და წინ მიმავალ ქეთინოს დაეწია.

მალე სოფლის შარა-გზიდან გადაუხვიეს და ყანებში მიმავალ ვიწრო გზას გაყვნენ.

გზის ორივე მხარეზე\* მაღალი, დატარობული სიმინდები ამაყად იდგნენ. ხანდახან ნაივი დაუბერავდა და ერთბაშად ამრიალდებოდა სულგანაბული ყანა.

გზისპირას მოხუცი ქალი იჯდა და გახეთქილ მუხლის თავიდან გამოჟონილ სისხლს კაბის კალთით იწმენდა. იქვე, პალოზე მიბმული იყო ძროხა.

დაინახა თუ არა მოხუცმა ბავშვები, კაბის კალთა გაისწორა.

და-ძმამ იცნო მოხუცი. ლეომ ჰკითხა:

— რა მოგივიდა, ბებია?

\* კაპეტი—აზო

— ეხ, შვილო, ამ ჰირის გასაწყვეტმა სა-  
ჭონელმა წაძაქცია. ჭვას დავკარი მუხლი.  
ერთმა აქეთ კრა თავი ყანაში. მეორემ იქით.  
გამწიეს და გამოძწიეს. ძროხა შევაჩერე რო-  
გორც იყო. დეკეული ყანაში გაქექცა. ერთ-  
გაშად კოტე არ მომეხმაროს. შვილიშვილიც  
ასეთი უნდა! — აწუწუნდა მოხუცი.

ლეომ ნიკორას სარტე ქეთოს მიუგო, ყა-  
ნაში შევიდა, ფეხაკრეფით მიეპარა მოხუცის  
დეკეულს, რომელიც ხარბად გლეჯდა ბუჩ-  
ქივით მდგარ ძაძას ფთოლებს. ლეომ დაიჭი-  
რა დეკეული და ბებიას მიუყვანა. მოხუცმა  
მადლობა გადაუხადა ბავშვს.

— აქეთ წამოიყვანე, ბებია, კარგი ბალახი  
არის. ჩვენ დაგეხმარებით! — უთხრა ქეთომ  
მოხუცს.

მოხუცმა დეკეული ძროხის მახლობლად  
მიიბა პალოზე და ქეთოს უბასუხა:

— არა შვილო, სიარული არ მემიძლია.

აქვე მოეჭირა ცოტა ბალახს და ვაჭმევ.

ბავშვებმა გზა განაგრძეს.

მალე მინდორზე გავიდნენ. ნათო და ნი-  
კორა კაკლის ხის ჩრდილში დაბეს და, რად-  
გან მინდორზე საკმაო ბალახი არ იყო, ყანა-  
ში შევიდნენ ბალახისათვის.

ნათო და ნიკორა მოუთმენლად იცქირე-  
ბოდნენ იმ მხარეს, საითაც ბავშვები წავიდ-  
ნენ. ხანდახან შეტრიალდებოდნენ ხოლმე და  
საწყალობლად შეზამუვლებდნენ.

მალე ბავშვებიც დაბრუნდნენ და კონებად  
შეკრული ბალახი საქონელს დაუყარეს.

— ახლა წავიდეთ და მახეები დავათვალი-  
ეროთ. — თქვა ლეომ.

— წავიდეთ, — დაეთანხმა ქეთო.

ბავშვები ფეტვის ყანაში შევიდნენ. ფეტ-  
ვის მძიმე თავდახრილ თავთავებს აქეთ-იქით  
სწევდნენ და წყნარად მიაბიჯებდნენ.

ლეომ პირველი კვალი დაათვალიერა. შემ-  
დეგ მეორე, მესამე, მაგრამ არსად არაფერი  
აღმოჩნდა. ბოლოს მეოთხე კვალს მიუახ-  
ლოვდა. ერთ-ერთ მახესთან მუხლებით დაე-  
ცა და ალტაცებით წამოიძახა:

— ქეთინო, მწყერი გაბმულა მახეში.

— აბა, მაჩვენე! — შეჰყვირა ქეთომ და  
ძმისკენ გაიქცა.

ლეომ ფრთხილად გამოსხნა მწყერი, დას  
გაუწოდა და თვითონ აშლილი მახეების გას-  
წორებას შეუდგა.

— რა ლამაზი თვალები აქვს, რა კონტა  
თავი! — იძახდა გახარებული ქეთინო და  
გულში ისუტებდა ფრინველს.

ბავშვები მხიარული ტიტინით უკან გა-  
ბრუნდნენ.

როცა კაკლის ხეს მიუახლოვდნენ, ძაძოს  
შეწყუხდნენ: ნათო და ნიკორა იქ არ დახვდათ.

— რა ვქნათ ახლა? — ერთხმად  
ლა-ძმამ.

— ბალახის ნახევარიც არ შეუჭამათ. თო-  
კებიც არ სჩანს! ვილაცას მოუპარავს! — და-  
ასკვნა ლეომ.

ეს არასასიამოვნო ამბავი გიმერამაც იგრ-  
ძნო. ირგვლივ მიმოიხედა, მიწა და პაერი და-  
ყნოსა, მერე ისკუბა და ყანებში ჰკრა თავი.

ლეომ და ქეთომ სულ დაიარეს ყანებში.  
დაიქანცნენ, მაგრამ ვერ იპოვეს ნათო და ნი-  
კორა.

ბოლოს, ტყის პირას, პატარა მინდორზე  
წააწყდნენ ხეზე მიბმულ თავის საქონელს. ამ  
ღროს გიმერა, ერთის ამბავით, ყფით მის-  
დევდა ვილაცას. ლეომ პირველად ვერ გაარ-  
კვია, თუ ვინ გარბოდა, მერე როგორღაც იც-  
ნო: კოტე აღმოჩნდა, მისი კლასელი. ლეო  
დაექვდა და გაიფიქრა: ეს ყოველივე უთუ-  
ოდ კოტეს ნაცუღლუტარი არისო.

ლეო სირბილით გაემუტრა იქით. გიმერას  
დაუყვავა. კოტემ ძლივს მოითქვა სული.

— მაპატიე ლეო! — დაიწყო ბოლოს დარ-  
ცხვენილმა კოტემ. — მიტომ გამაბრეყვა. შე-  
ნი ნათო და ნიკორა ჩვენ დაუბაბით აქ. ხომ  
გახსოვს, ამოცანა რომ არ გადააწერიე გაყ-  
ვეთილზე, სამაგიერო უნდა გადაუხადო, მეც  
ამიყოლია. მიტო შურიანი ბიჭია, თანაც  
მხდალი. მე აგერ გიმერამ კინალამ დამჭამა.

მან კი თავს უშველა...

გიმერა ისევ ბრაზიანად უღრენდა კოტეს.  
კოტე კი თავჩაღუნული იდგა ლეოს წინაშე  
და პატიებას თხოვდა.

0254





შემდეგ გაისმა: — შემოდით! — ამ პაუზამ ენაც წაგვართვა, ხელ-ფეხიც, კარის შეღებვას ვერც ერთი ვერ ვბედავდით. ამ ყოყმანში კარი გაიღო და დავინახეთ შეატანის, წვერვულვამგაპარსული, ჭალარა შერეული, მშვენიერი სახის ადამიანი, დიდი ალერსიანი თვალების მქონე. გავიხედ-გამოვიხედე კიდევ — ხომ არ მეშლება-თქო და დავინახე მეორე ადამიანი. ლაღომ გამაცნო — ეს ქართული თეატრის ცნობილი არტისტი, კოტე ყიფიანიო.

მამ ეს ყოფილა ლაღო მესხიშვილი, წუხანდელი ფრანცი? რა იქნა მისი წუხანდელი საშინელი გარეგნობა, მისი მიხრა-მოხრა, მისი ბოროტი კილო? მამ წუხელ ჯადოსნობა ყოფილა და, აი, თითონ ჯადოსანიც!

გამბტერებული ვუყურებდი ლაღოს, მთლად ავირიე... სალამიც კი არ მითქვამს, ჯირკვით ვიდექი.

ალბათ მე და ჩემს ამხანაგს ძალიან სასაცილო გამომეტყველება გვქონდა. ლაღოს თვალებმა და ტუჩებმა ირონიულად გაუღიშა.

— დაბრძანდით, ყმაწვილებო! — და სკამი თითონ გამოწია ჩვენსკენ. მე და ჩემი ამხანაგი ერთბაშად მივიწიეთ ერთსა და იმავე სკამისაკენ, ერთბაშად დავჯექით, ერთიმეორეს დავეჯახეთ და ისევე ერთბაშად წამოვხტით.

ჩვენი განზრახვა იფუშებოდა... მხოლოდ ლაღოს გულისხმიერებამ და სულის სიფაქიზემ გამოასწორა ჩვენი საქმე.

თითქოს არაფერი არ მომხდარა, თავისი ხელით დამსვა სკამზე, ჩემს ამხანაგს მეორე სკამი მიაწოდა და გვკითხა:

— ჩემი ნახვა გასურდათ, ალბათ, ყმაწვილებო?

— ხო... დიახ!... არა სხვა საქმე გვაქვს... დიახ, ნახვა... წუხელ თეატრში ვიყავით... ხო და...

ეტყობოდა, რომ ლაღო სიცილს ძლივს იკავებდა, მე კი დაბადების დღეს ვიწყევლიდი... რამ შემბოჭა და ენა რამ წამართვა?

— პიესა მოგეწონათ? — გვკითხა ლაღომ.

— პიესა? ხო, რასაკვირველია, მოგვეწონა...

— აი ეს არტისტი მოგეწონათ, მამას რომ თამაშობდა? — და კოტე ყიფიანისკენ გაიქნია თავი.

— თქვენ რომ დაახრჩეთ? — ხო, მოგვეწონა...

— ფრანცი მოგეწონათ?

— უუფ! ძალიან... და... — ამხანაგს გადავხედე, შენც თქვი რამე მეთქი. მაგრამ ის თევზივით მუნჯად იყო.

— თქვენი ფრანცი ძალიან მომიწონა და ერთბაშად მივახალე:

— ჩვენც გადავწყვიტეთ არტისტები გავხდეთ!

ლაღოს გაეცინა.

— დიდი ხანია ეს სურვილი დაგებადათ?

— უკვე სერიოზულად გვკითხა ლაღომ.

— ბავშვობიდანვე! — მტკიცედ ვუპასუხე მე.

— თეატრი კარგი საქმეა, ძალიან სასიამოვნოც და სასარგებლოც, მაგრამ... რომელ კლასში ხართ?

— მიმვიდეთ გადავდივართ! — თავმოყმონედ ვუპასუხე.

— ცოტა არ იყოს, ადრეა, არა?

— ოო, არა, ჯერ გიმნაზია უნდა გავათავოთ და შემდეგ... გვასწავლეთ, როგორ უნდა მოვიქცეთ შემდეგში, რომ არტისტები გავხდეთ?

— ჯერ, ყმაწვილებო, გიმნაზიაც და უნივერსიტეტიც უნდა გაათავოთ, საერთო განათლება უნდა მიიღოთ და მერე ამ საფუძველზე შეგიძლიათ თეატრზე ფიქრი. თუ უნარი აღმოგაჩნდებათ, საამისო სასწავლებლებიც და მასწავლებლებიც არსებობენ. მანამდე კი მხოლოდ განათლებაზე იფიქრეთ. სწავლა მიუღებელი, გაუნათლებელი არტისტი სასურველი არ არის.

ალერსიანად და მეგობრულად ჩამოგვართვა ხელი და ჩვენც ნაღვლიანად დაფიქრებულნი გავედით ოთახიდან. კარებშივე მომესმა ყიფიანის ნელი სიცილი და ლაღოს „სსუ, ჩუმად, ეწყინებათ!“

ეს — „სსუ, ჩუმად, ეწყინებათ!“ — დღესაც ლამაზად ბგერს ჩემს ხსოვნაში.

\* \* \*

10 წელიწადი გავიდა. სწავლა დავამთავრე, ღრამის არტისტიც გავხდი და საქართველოში დავბრუნდი ლაღოს დასში სამუშაოდ. მიცნო. მოაგონდა ჩვენი მისვლა მასთან და ღიმილით მითხრა:

— ძალიან სასაცილონი იყავით თქვენი ბავშვური ალელეებით! მაგრამ თავი შევიკავე, მივხვდი, რომ თქვენი ალელეება ძალიან წრფელი იყო და წარმატების საწინდარი.

მთელი სეზონი ვიმუშავე ლაღოსთან. ოდნავად მოტყდა, ჭალარა გავრია, მაგრამ ხასიათით ისეთივე ტკბილი დარჩა.

ერთხელ მასთან ქართული გიმნაზიის მეხუთე კლასის მოწაფე მივიდა. 14-15 წლისა იქნებოდა, ხელში სქელი რვეული ეჭირა.

— ჩემთან საქმე გაქვს, შვილო?

— დიახ, ბატონო!

— ალბათ არტისტობა გინდა?

— არა, დრამატურგი ვარ! პიესა დავწერე და გთხოვთ დადგათ.

— დიდი ხანია დრამატურგი გახლი?  
— ეს ჩემი პირველი პიესაა. კიდევ ორი მაქვს, მაგრამ ეს საუკეთესოა! — და სქელი რვეული მიაწოდა ლალოს.

— ლალომ ერთგვარი შიშით შეხედა რვეულს, მერე ავტორს.

— ალბათ სამივე პიესა ამ რვეულშია, არა?

— არა, ბატონო! აქ ერთი პიესაა მხოლოდ.

— ხო!

— მოკლე შინაარს ეხლავე გაიმბობთ... არ დააცადა და მოყვა:

— ინგლისის ისტორიიდან არის. კრომველია მთავარი გმირი... — და სხვა-სხუპით ჩამოთვალა ოციოდე ისტორიული სახელი. ქალაქები, დაბები, წლები, სხვადასხვანაირად გადახლართული ამბები...

— სისხლიანი ეპოქაა, ასე რომ 8 მკვლელობაა ამ პიესაში...

თავმომწონედ დაამთავრა ბატარა დრამატურგმა.

— ლალო ძალიან დაღონდა და ნაღვლიანად შეხედა ავტორს.

— კარგი. შვილო, წავიკითხავ და ჩემს აზრს მერე გეტყვი.

— პასუხისათვის ხვალ მოვიდე თუ ზეგ, ბატონო?

— არც მაზეგ, შვილო... ერთი კვირა მაინც მაცალე!

ლალომ პიესა წაიკითხა, როგორც იყო, და გვითხრა:

— ეს ბავშვი ძალიან სამწუხარო მოვლენას წარმოადგენს. სახელების, ფაქტების და თარიღების დახსომების უნარი კოლოსალური აქვს, აზრის თანმიმდევრობა — არავითარი. მისი, ასე ვთქვათ, პიესის ვერც დასაწყისი გავიგე, ვერც ბოლო, რაღაც აბდაუბდაა. ხვალ მოვა და აღარ ვიცი, რა მოვუხერხო. ლაპარაკში ეტყობოდა, რომ ზედმეტად თამამია და თავის თავზე გადაჭარბებული წარმოდგენა აქვს..

მეორე დღეს ავტორი მოვიდა. ცალკე ოთხში შეიყვანა და თითქმის ოთხ საათი ვლაპარაკა.

როდესაც ლაპარაკი გაათავეს, ისე გამოიყურებოდა, თითქოს აბანოდან იყო გამოიყურებოდა და თავისი რვეულით ხელში დარცხვენილი წავიდა, ხოლო ლალო სავარძელში ჩაჯდა და მძიმედ ამოისუნთქა:

— ერთს ამისთანა საუბარს ფრანც მორის ათჯერ ზედიზედ თამაში მერჩია!

— მოაჭკვიანეთ?

— არ ვიცი... შემპირდა კი, რომ ჯერჯერობით პიესების წერას თავს დაანებებს და სერიოზულ სწავლას შეუდგება.

ლალოს დასწი, მსახიობების გარდა, რამოდენიმე ახალგაზრდა თანამშრომელი ჰყავდა, სულ პატარა როლებს თამაშობდნენ, თითოთოროლა წინადადებას წარმოსთქვამდნენ. მათი ჰონორარი სექტაკლში 2-3 მანეთს უდრიდა. ზოგი კი უფასოდ მუშაობდა. — ოღონდ სცენაზე მამუშავეთ და ფული სულ არ მიწოდო, — ამბობდნენ მიუხედავად ამისა, ლალო შეატყობდა თუ არა, რომ ახალგაზრდა ბეჯითია, უნარს და ზოგჯერ ნიჭსაც იჩენს, მაშინვე ჰონორარს დაუნიშნავდა.

და ამიტომაც მთელი მოწაფეობა, სტუდენტობა, თეატრის თანამშრომლები ეთაყვანებოდა რა ლალოს არტისტულ ნიჭს, ეთაყვანებოდა კიდევ მის შესანიშნავ კეთილ უანგარო გულს.

როდესაც ლალო ავად გახდა და მის დაზიანებულ ყელს სერიოზული მკურნალობა დასჭირდა, ახალგაზრდობის ინიციატივით შესდგა კომიტეტი თანხის შესაგროვებლად.

ქალი და ვაჟი ყველა ფეხზე დადგა. არ დაუტოვებიათ არც ერთი ქუჩა, არც ერთი სახლი, სადაც აბაზი მაინც ეგულებოდათ. ძალიან მალე დაგროვდა საგრძნობი თანხა — სამ ათას მანეთამდე და ლალო ვენაში წავიდა სამკურნალოდ.

**მიხეილ ქორელი**

ხელოვნების დამსახურებული მოღვაწე



# ბუჯითა ბელა



არნო მნელი

ღამით ნასწავლ გაკვეთილებს  
გადიკითხავს დილით კიდევ,  
მერე უფრო პირმცინარე  
მხარზე ჩანთას გადიკიდებს,

და სკოლისკენ ეშურება,  
მიდის რბენით, მიდის ფრენით  
მზის სხივები დაჰხარიან  
აღმასებად დანაცვენნი!

ერთი-ორი თუ ვინმეა,  
იმათ შორის არის გელაც,  
ჩამორჩენილ მოსწავლეებს  
ეხმარება... უყვარს შველა.

არ იცილებს ხუთიანებს,  
ოთხიანი რას მიქვიან?  
კარგად იცის: სწავლის გმირებს  
სულ ვაქებთ და სულ გვიქია!

ვით ოჯახი, ისე სკოლა  
აღერსით და ქებრით ამკობს,  
ყოველი დღე განა ამას,  
სულ ამას არ ლაპარაკობს?

სკოლის შემდეგ შინ ბრუნდება  
სიმღერით და რბენა-ფრენით,  
მზის სხივები დაჰხარიან,  
ყვავილებით გზას უფენენ.

ისადილებს, დაისვენებს,  
ეხმარება მერე მაჰას,  
იქვე ბალში რომ მუშაობს,  
გულმოდგინედ კვლებს რომ ბარავს.

გელა ამბობს: სწავლა არის  
ერთგული ძმა დიდი შრომის,  
მხოლოდ შრომა,  
მხოლოდ სწავლა  
კაცს გახდისო კეთილშობილს.



# კროფთის ზიბაქოვსკი

პიესა ერთ მოქმედებად

მოკმედნი პირნი

**ვალოდია** — პარტიზანული რაზმის ახალგაზრდა მწვერავი.

**ჰაუპტმანი** — გესტაპოს გამომძიებელი.

**გიჟიანი** **ეზრაიტორი** — ჰაუპტმანის ხელქვეითი. მოქმედება სწარმოებს 1943 წლის ზამთარში, გერმანელების მიერ დროებით ოკუპირებულ საბჭოთა ტერიტორიაზე, უკრაინის ერთ-ერთ სოფელში.

სცენა წარმოადგენს ჰაუპტმანის სამუშაო ოთახს. ოთახში დგას მაგიდა, რამდენიმე სკამი, მაგიდაზე საველე ტელეფონი. კედელზე პიტლერის სურათი ჰქვია. ოთახის მარჯვნივ ერთი ფანჯარაა. ფარდის ახდისას ჰაუპტმანი სწრაფად შემოდის.

\* \* \*

**ჰაუპტმანი** — (ხელთათმანებს იძრობს და ხელზე იბერავს) ახლა კი დავრწმუნდი, რომ რუსეთის სიცივე მართლა საშინელი და აუტანელი ყოფილა.. (გარედან ხმაური შემოესმება) რა ხმაურია?

(გარედან ისმის ვალოდიას ხმაძალი ძახილი) მომკალით! ოოხ.. ჯალათებო! მაინც ვერაფერს მათქმევინებთ!

**ჰაუპტმანი** — (ზარს რეკავს).  
**ეზრაიტორი** — (შემოდის). რას მიბრძანებთ, ბატონო ჰაუპტმანი!

**ჰაუპტმანი** — რა ხმაურია, ვის აწამებენ?  
**ეზრაიტორი** — თქვენს ბრძანებით № 15 პატიმარს აწამებენ, ბატონო ჰაუპტმანი.

**ჰაუპტმანი** — (კმაყოფილებით). კარგია... არაფერს ამბობს?

**ეზრაიტორი** — სრულებით ვერაფერი ვერ ათქმევინეს, ბატონო ჰაუპტმანი. გუშინდელს აქეთ მესამედ აწამებენ, მაგრამ ერთი სიტყვაც კი ვერ ათქმევინეს.

**ჰაუპტმანი** — (ღიმილით). არაფერს ამბობს? შესწყვიტონ წამება, თვით მე ავალაპარაკებ მას.

**ეზრაიტორი** — თქვენი ბრძანება შესრულებული იქნება, ბატონო ჰაუპტმანი. (გასვლას აპირებს).

**ჰაუპტმანი** — ცხელი ყავა და ერთი ბოთლი კონიაკი მომიტანე, თორემ გავიყინე.

**ეზრაიტორი** — არის, მოგართავთ ცხელი ყავა და ერთი ბოთლი კონიაკი! (გადის).

**ჰაუპტმანი** — (მუქარით და თითქმის ქნევით) მართალია წამებას გადაგარჩინე, მაგრამ უარეს ტანჯვას ჩემგანვე ელოდებ. (დაცინვით) შენისთანები უამრავი მინახავს და საიქიოსაც ბევრი გამიმგზავრებია. რაც უფრო მეტ საბჭოთა ადამიანს დავხოცავ, მით უფრო მეტი დაფასება მექნება და ჯილდოებსაც მივიღებ. (ტელეფონი რეკავს). გისმენთ, დიახ, ჰაუპტმანი გახლავართ. (მცირე პაუზის შემდეგ ფეხზე წამოდგება). დიახ, ბრძანეთ, ბატონო. ვალოდია რიბალევსკის დაკითხვა მე მაქვს დავალებული. ჯერჯერობით ვერაფერი ვათქმევინე, ერთი კვირაა თითქმის ყოველდღე

ვწამებ, მაგრამ ის, თავგანწირული, უარს აცხადებს ყოველგვარი ჩვენების მოცემასზე. (მცირე პაუზის შემდეგ). დიახ, დღეიდან გადაწყვეტილი მაქვს მაგ მეთოდს მივმართო, ვნახოთ, რა შედეგს გამოიღებს. ჯიუტი და თავნება რუსია. ტკბილი, ალერსიანი მოპყრობით, ვფიქრობ, ალაპარაკდება და მიზანსაც მივადწევთ. თუ არა და, რასაკვირველია, ორივე შემთხვევაში სიკვდილი მაინც არ ასცდება. (იციინს) უეჭველად, გადაეცით — სრული იმედი ჰქონდეს ბატონ გენერალს. დღეს საღამოს 8 საათზე თვითონ ვნახლები მისთვის სასურველი შედეგებით. გმადლობთ. (ლაპარაკს ამთავრებს და თავისთვის) ყოველ მიზეზს გარეშე, დღეს უნდა გამოვტეხო. ამ მწვერავის ვინაობით მეტად ყოფილა დაინტერესებული ჩვენი გენერალი.

**ეზრაიტორი** — (შემოაქვს ჭიქით ყავა და ბოთლით კონიაკი). ბატონო ჰაუპტმანი, მიირთვით ცხელი ყავა და კონიაკი. (გასვლას აპირებს).

**ჰაუპტმანი** — ეფრეთორ!

**ეზრაიტორი** — რას მიბრძანებთ, ბატონო ჰაუპტმანი!

**ჰაუპტმანი** — მომიყვანე № 15 პატიმარი.

**ეზრაიტორი** — არის, მოგიყვანოთ № 15 პატიმარი! (გადის).

**ჰაუპტმანი** — (კონიაკს სვამს) მაშ, არ გამოტყდება? ჰა? ვნახოთ. (მაგიდის უჯრიდან რეველვერს ამოიღებს, ასწევს მალა, შესცქერის და შესცინის). სამას სამოცდაოთხი საბჭოთა ახალგაზრდა გყავს მოკლული, ერთიც გაკლია და წლის თავს გადავიხდით. აბა, ჩემო გულითადო მეგობარო. შენ იცი, ბევრისათვის დავბნელებია სინათლე და, იმედი მაქვს, მომავალშიც ერთ-ერთად მემსახურო. (რეველვერს მაგიდაზე სდებს) მწვერავი.. (სიძულვლით), ვალოდია რიბალევსკი... ამ თითისტოლა გველის წიწილმა რამდენი ზარალი მოგვაყენა, ჩვენს საწინააღმდეგოდ პროკლამაციებით აავსო მოსახლეობა, სამჯერ ააფეთქა და ცეცხლი წაუკიდა ჩვენს საწყობებს, გუშაგები დავხოცოცა და ვინ მოსთვლის რამდენი რამ აქვს ჩადენილი! განა ყოვე-

ლივე ამის შემდეგ დასაძლავი არიან საბჭოთა ახალ-გაზრდები? (ფუნზე დგება). არა... მათს გულს ვერავინ თარი მალამო ვერ მოალობობს გარდა გერმანული ტყვისა. სიკვდილი და ჩამოხრჩობა ყველა საბჭოთა ახალგაზრდას. (მარჯვენა ხელს ასწევს მაღლა და მიესალმება პიტლერის სურათს). ასე მოგვიწოდებს ჩვენი მამამთავარი, ჰაილ ჰიტლერი!

**ფორმირირი** — (შემოდის) ბატონო ჰაუპტმან, ნება მომეცით № 15 პატიმარი შემოვიყვანო.

**ჰაუპტმანი** — შემოაორიე.

**ფორმირირი** — არის, ბატონო ჰაუპტმან, (გადის). ჰაუპტმანი დუმილს მიეცემა, შემდეგ პაპიროსს ამოღებს.

ფორმირირს შემოჰყავს სახედრისხილიანებელი, თქმაწერილი ვალოდია, რომელსაც კისერზე დაკიდული ჰქვს ფანერის ოთხკუთხედი ნაჭერი, წარწერით — „15“).

**ფორმირირი** — აქ დადექი. (ჰაუპტმანს) ბატონო ჰაუპტმან, ნება მომეცით დაგტოვოთ.

**ჰაუპტმანი** — წადი. (ფორმირირი გადის. ჰაუპტმანი ირონიული დიმილით უახლოვდება ვალოდიას) აა... გაპარჯობა ვალოდია (ხელს აბთმევს, შემდეგ მხარზე დაადებს ხელს, სახეზე შეაკვირდება და თითქოს განცვიფრდება). ამას რას ვხედავ? (გაბრაზებული) ვინ გახდება შენი ხელის ხლება! რამდენჯერ გავაფრთხილე, რომ კარგად მოექცეო და საუკეთესო პირობებში გყავდე, მეთქი. მე იმ თავხედებს ვუჩვენებ, თუ როგორ უნდა ცემა, ჩემი ბრძანების შესრულებლობისათვის შევ დღეს დავაყენებ.

**ვალოდია** — ნუ შესწუხდებით, ჩემი გულისთვის ნურავის დასჯით, ისინი თქვენს ბრძანებებს კვლავ უცვლელად შეასრულებენ.

**ჰაუპტმანი** — დამაცადონ, მე მაგათ ვაჩვენებ, ახლა მაგათთვის არა მცალიან და მერე შენ თვითონ იქნები მოწმე, თუ რა დღეს დავაური მაგ არამზადებს! (მცირე პაუზა) მოიწი ახლოს, ჩამოგექ სკამზე, დაისვენე. თუ გცივა, ნუ მომერიდები, ცხელი ყავა დალიე. (ჭიქას ხელს ჰკიდებს) ... ეს არ ივარგებს, ძალზე გაცივებულა. (ზარს რეკავს. შემოდის ფორმირირი).

**ფორმირირი** — რას მიბრძანებთ, ბატონო ჰაუპტმანი!

**ჰაუპტმანი** — (ირონიით) ჩვენს ვალოდიას ცხელი ყავა მოართვი!

**ფორმირირი** — (დიმილით და თავის ქნევით) ბატონო ჰაუპტმან, თქვენი ბრძანება შესრულებული იქნება. (აპირებს გასვლას).

**ჰაუპტმანი** — ზო, თეორ პურზე სქლად წასმული კარაქი და თაფლიც.

**ფორმირირი** — მესმის, ბატონო ჰაუპტმან. (გადის).

**ჰაუპტმანი** — (ვალოდიას) ნუ გერიდებთ, მომიხლოვდით (ჭიქით კონიაკს აწვდის), კიდრე ყავას მოიტანდნენ, ეს ერთი ჭიქა კონიაკი დალიეთ, გათბებით.

**ვალოდია** — გმადლობთ, მე კონიაკს არ ვსვამ.

**ჰაუპტმანი** — კარგი, არ დაგაძალბებთ. მაშ ამ ჭიქით ჩვენს შერიგებას გაუმარჯოს (კონიაკს სვამს). უჰ, კონიაკი ძალიან მიყვარს, განსაკუთრებით კი ასეთ სიცივეში. (პაპიროსის ყუთს ხსნის და უწვდის ვალოდიას) ვალოდია, პაპიროსი მოსწოვით.

**ვალოდია** — არც პაპიროსს ვეწევი.

**ჰაუპტმანი** — ძალიან კარგი, მომწონს, რომ მაკარსასმელებს არ სვამ, არც პაპიროსს ეწევი, ვალოდია. მოიწი ახლოს, დაჯექი სკამზე და მოვიხატოთ. მხოლოდ გულანდილად და მეგობრულად! (მისობაში, რად გინდა, რომ შენი თავიც ტყუილმებრალად აწვალო, ახალგაზრდამ სიცოცხლე და ბედნიერი მომავალი დაჰკარგო, დაფიქრდი კარგად. (მცირე პაუზა). შენი ბედნიერება და უბედურება შენს ხელთ არის და რომელიც გინდა აირჩიე, მხოლოდ მე მინდა გაგაფრთხილო, რომ დღეს უკანასკნელად გკითხავთ და გირჩევთ გულანდილობას. მე ბევრ რამეს არ მოგთხოვთ. მიპასუხეთ მხოლოდ ერთ შეკითხვაზე, — სოფლებში რომ დაიარებოდით, ვისთან გქონდათ კავშირი და რა დახმარებას გიწვედნენ თქვენს მიერ მიტანილი პროკლამაციებისა და, ბოლო დროს კი, ჰიტლერის კარიკატურის გავრცელებაში? (მაგიდიდან იღებს პლაკატს, რომელზედაც დახატულია ჰიტლერის კარიკატურა: ჰიტლერს ხელში სისხლიანი ნაჯახი უჭირავს, კარიკატურის ქვევით წარწერაა — „ჯალათი“). ეს ხომ თქვენ აღმოგჩნდათ უბეში, როცა დაგაკავებ.

**ვალოდია** — დიახ, მე აღმომაჩნდა. მხოლოდ თქვენ სცდებით, ეგ სურათი ჰიტლერის კარიკატურა არ არის, ჩემის აზრით, ეს ჰიტლერის ნამდვილი სურათია.

**ჰაუპტმანი** — ვალოდია, იცოდე, რომ მეორედ ასეთ თავხედობას არ გააპტიებ, შენ ჯერ ძალზე ახალგაზრდა ხარ და ამიტომაც არ იცი, თუ როგორი სიტყვებით უნდა მოხსენიო მთელი მსოფლიოს ხალხების მამამთავარი. იღბალი შენი, რომ მე შეგვხვდი და პატივსა გცემ, თორემ სხვა. ჩემს ადგილას რომ უცოდლიყო, მაგისთანა თავხედური სიტყვებისათვის ცოცხალს არ გაგიშვებდა, ხის კენწეროზე დაკიდებდა.


**ვალოდია** — ჩემი სიკვდილით დასჯა, თქვენი ნებაა, მხოლოდ ნურც ისე უსუსურ ბავშვად ჩამთვლით, თითქოს არაფერი გამეგებოდეს. 17 წელი შემისრულდა, მესამე წელიწადია, რაც ჰიტლერის რეჟიმს ვაღვივებთ თვალყურს, მაგრამ ხალხის საკეთილდღეოდ გაკეთებული არაფერი მინახავს. ჰიტლერის ბრძანებით თქვენმა ჯარისკაცებმა დედაჩემი ჩამოახრჩეს, დები და ძმები მომიკლეს, საბჭოთა სოფლები და ქალაქები ფერფლად აქციეს. სხვა რაღა ვთქვა! განა თქვენ უფრო კარგად არ იცით?

**ჰაუპტმანი** — კიდევ ერთხელ გაფრთხილებ, ზედმეტ ლაპარაკს თავი დაანებო და გამცე სწორი პასუხი. სთქვი, რომელი პარტიზანული რაზმის მწვერავი ხარ და სად არის მისი ადგილსამყოფელი!

**ვალოდია** — დღესაც იმას გეტყვით, რაც გუშინ გითხარით, მე მწვერავი ვარ არა მარტო პარტიზანული რაზმისა, არამედ მთელი საბჭოთა ხალხისა. საიდან და რისთვის დავდიოდი, ეს ყველაფერი მხოლოდ მე უნდა ვიცოდე და სხვამ არავინ, ვინაიდან რასაც თქვენ შეკითხებით, სამხედრო და სახელმწიფო საიდუმლოებას წარმოადგენს, რომლის გამხელას ვერ მაიძულებთ.

**ჰაუპტმანი** — შენ კიდევ შენებურად დაიწყებოდე. ჯიუტობა არ გამოგადგება. შენთვის უმჯობესია მითხრა ყველაფერი და განთავისუფლდე, თუ





არა და, ხომ იცი, რაც მოგელის (რევოლუციაზე მიუ-  
თითებს). კარგად უყურე. აბა, მითხარი, რად გინდა  
გავბოროტდე, ცემახ, ყვირილს არა სჯობს, წესიერად  
ვისაუბროთ!

**ვალლოღია** — სამართლიანი ბრძანებაა, ცემა  
და ყვირილი რა საჭიროა, მაგრამ როცა ეს მეთოდი  
თქვენთვის აუცილებელია, რა გაეწყობა! იმოქმედეთ,  
როგორც გინებოთ!

**პაუპტმანი** — რას იხამ, როცა შენთან კარგი არ  
გადის, ეხლა შე ვიცი როგორც გაიმასპინძლები.  
(ზარს რეკავს, თან ყვირის) ეფრეთორ!

(შემოდის ეფრეთორი)

**ეფრეთორი** — რას მიბრძანებთ, ბატონო პაუპ-  
ტმანი!

**პაუპტმანი** — გადაეცი ჩემი ბრძანება—გააცხე-  
ლონ რკინები და სახრჩობელაც მოამზადონ!

**ეფრეთორი** — არის, ბატონო პაუპტმანი. (გადის).

**პაუპტმანი** — (ვალლოღიას) ახლა რაღას იტყვი?  
(დაცინვით). ორატორო, იტყვი, თუ...

**ვალლოღია** — ახალს არაფერს.

**პაუპტმანი**—არ იტყვი და ხომ კარგად გაიგე, რაც  
მოგელის. გავარფარებული რკინები და... მერე სახ-  
რჩობელაც.

**ვალლოღია** — სახრჩობელა მე არ მაშინებს.

**პაუპტმანი**—ხმა! კრინტი! შე შენ გიჩვენებ (ფან-  
ქარს მძლავრად უკაკუნებს მაგიდას) შე არამზადა!  
(ფანქარი ხელიდან გაუვარდება და იატაკზე დაეცემა,  
დაიხრება მის ასაღებად).

**ვალლოღია** — (გაბედულად, თავისთვის) სულ  
ერთია, სიკვდილი არ ამცდება, (მაგიდიდან სწრაფად  
აიღებს რევოლვერს და უმიხნებს დახრილ პაუპტ-  
მანს)..

**პაუპტმანი** — (წელში სწორდება) შე ძაღლის  
შვილ...

**ვალლოღია** — არ გაინძრე, ხმა არ ამოიღო, თო-  
რემ ახლავი გაგათავებ, შე მართლა ძაღლის შვილი!

**პაუპტმანი** — ვალოღია..

**ვალლოღია** — ხელები მაღლა! (უკან-უკან იხევს  
და კარებს ჰკეტავს. პაუპტმანი ხელებს მაღლა ას-  
წევს). ამ რევოლვერს ხომ კარგად იცნობ, კარგად

უყურე ვინ გახდება ამის მსხვერპლი.

**პაუპტმანი** — (შეშინებული) ვალოღია!

**ვალლოღია** — დიახ, მე გახლავარ ის ახალი  
ვალოღია, რომელსაც თითქოს არაფრის გაგება  
შეეძლო. (კისრიდან მოიგლეჯს ჩამოკიდებულ ხო-  
მერს და ესვრის) ეს ნომერი ახლავე ჩამოიკიდე კი-  
სერზე. ჩვენში ნომრებს ძაღლებს აბაშენ და შენც  
ხომ გერმანელი ძაღლი ხარ. ჩამოიკიდე, მეთქი.

**პაუპტმანი** — ახლავე, ვალოღია... (ნთქერს კა-  
სერზე ჩამოიკიდებს).

**ვალლოღია** — მაგიდიდან აიღე ჰიტლერის სურა-  
თი, რომელსაც შენ კარიკატურას უწოდებ, მიტრიალ-  
დი, ჩამოხიე კედელზე მიკრული სურათი და მის მა-  
გივრად ეს გააკარი.

**პაუპტმანი** — ახლავე, ახლავე, ბატონო ვალოღია!  
(კედელზე გაკრულ ჰიტლერის სურათს ჩამოხევს და  
მის მაგივრად გააკრავს ჰიტლერის კარიკატურას).

**ვალლოღია** — (დაცინვით) მშვიდობა, აქამდის ჩა-  
მოსახრჩობად გინდოდი, ახლა კი ბატონიც გავხდი.  
ჩამოხეული ჰიტლერის სურათი მაგრა ჩაიკარ გულში.  
(პაუპტმანი გულში იკრავს ჰიტლერის სურათს). რახან  
ძალიან გყვარებია ჰიტლერი, კარგად მიყურე და მო-  
ისმინე საბუთთა ხალხის განაჩენი: უდანაშაულო ბავ-  
შეების, ქალებისა და მოხუცების სიკვდილით დას-  
ჯისათვის, დაე შენმავე რევოლვერმა იძიოს შური  
შენზე და სამართალი მოგთხოვოს... შენ უნდა  
მოკვდი...

**პაუპტმანი** — ვალოღია... (მუხლებზე დაჩოქილი  
ევეღრება) ნუ მომკლავ! შემიბრაღე! (სწრაფად წა-  
მოავლებს სკამს ხელს და ჰაერში აიტაცებს ვალო-  
ღიაზე დასარტყმელად) შე გველის წიწილი!

**ვალლოღია**— მოკვდი. ძაღლი! (ესვრის და ჰკლავს.  
თავისთვის) საცა აქ ეფრეთორი მოვარდება, მას  
ეგონება, თითქოს მე მომკლა მისმა პაუპტმანმა. (ფეხის  
ხმა მოესმის, სწრაფად ფანჯარასთან მივა და გამოა-  
ღებს. რევოლვერს მოიპარჯევს) სიკვდილი ფაშიზმს!  
გაუმარჯოს დიდი სტალინს! (ფანჯრიდან გადახტება).

შ ა რ დ ა

უწავი ცელულოიდი

ძმრის სიმკვავით გადაძუშავების შედეგად  
და, აგრეთვე, სპირტისა და ბენზოლის დახ-  
მარებით სწავლულებმა ბამბისაგან მიიღეს  
ახალი უწავი პლასტიკური ნივთიერება —  
ცელონი, რომელიც ჩვეულებრივი ცელუ-  
ლოიდისაგან იმ დადებითი თვისებებით გან-  
სხვავდება, რომ მას ცეცხლის ალი არ ედება.  
ცელულოიდი გათბობის დროს იმდენად  
პლასტიკური ხდება, რომ მისგან შეიძლება  
გავაკეთოთ სხვადასხვა ფორმის ნაწარმი.

ცელონის გამსჭვირვალე ფურცლების  
ხმარება მინის მაგივრად იწყეს ღირებუ-  
ლებსა და თვითმფრინავებში. ეს არის პირვე-  
ლი უმსხვრევი მინა. ჩვეულებრივ მინისაგან  
განსხვავებით შეიძლება მისი დაჭედვა ლურ-  
სმნებით ჩარჩოებზე. ცელონის მინა არსკდე-  
ბა და არც ტყდება.  
ამ ახალ მასალებს თავისი პლასტიკური  
თვისებების გამო უწოდეს საერთო სახელი  
— პლასტიკური მასა (პლასტმასი).

# კუტუზოვი

დიდი რუსი მხედართმთავარი, 1812 წლის სამამულო ომის გმირი, მიხეილ ილარიონისძე კუტუზოვი დაიბადა 1745 წლის 5 (16) სექტემბერს ქ. პეტერბურგში. მამამისი — ილარიონ მათესძე სამხედრო ინჟინერი და დიდად განათლებული იყო, დედა კი — ოჯახის მოყვარული და ნათელი გონების ადამიანი. ამგვარმა ოჯახმა პატარა მიხეილს ღრმად ჩაუწერა შრომისა და ცოდნისადმი სიყვარული.

1757 წელს კუტუზოვი საინჟინრო საარტილერიო სკოლაში მიიღობა. აქ მიხეილმა გულმოდგინედ შეისწავლა სამხედრო ისტორია, ტაქტიკა და ჩინებულად დაეუფლა არტილერიისა და საინჟინრო საქმეს. უყვარდა ისტორია და ლიტერატურა. შეისწავლა უცხო ენები — ფრანგული, გერმანული, ლათინური, ხოლო შემდგომ — შვედური, ინგლისური, თურქული და პოლონური.

1761 წელს კუტუზოვმა პრაპორშჩიკის ხარისხით ასტრახანის ქვეით პოლკში დაიწყო სამსახური. მაშინ ამ პოლკს სახელგანთქმული სარდალი სუვოროვი მეთაურობდა. აქ პირველად განიცადა მიხეილ კუტუზოვმა სუვოროვის გავლენა და შემდეგ მისი ლირსეული მოწაფე გახდა.

1774 წლიდან კუტუზოვი ყირიმის უბანზე მოღვაწეობდა. აუშტის მახლობლად თურქების წინააღმდეგ მებრძოლებში კუტუზოვი მძიმედ დაიჭრა: ტყვია მოხვდა მარცხენა საფეთქელში და გავიდა მარჯვენა თვალთან, კუტუზოვი გადარჩა, ხოლო თვალი დაჰკარგა.

მიხეილ კუტუზოვმა მონაწილეობა მიიღო რუსეთ-თურქეთის მეორე ომში (1787-1791.). ამ დროს ის უკვე გენერალ-მაიორი იყო. ოჩაკოვის გარემოცვის დროს კუტუზოვმა ახალი მძიმე ჭრილობა მიიღო, მაგრამ კვლავ გადაარჩა.

1790 წლის დეკემბერში კუტუზოვი სუვოროვთან ერთად თურქეთის ციხე-სიმაგრის იზმაილის იერიშში მონაწილეობდა. სასტიკი ბრძოლების შემდეგ იზმაილი აღებულ იქნა. ამ ბრძოლებში კუტუზოვმა გამოავლინა დიდი სამხედრო ნაჭი. სუვოროვმა კუტუზოვის შესახებ სთქვა: „იგი მიდიოდა ჩემს მარცხენა ფრთაზე, მაგრამ ჩემი მარჯვენა ხელი იყო“. იზმაილის აღებაში მამაცობის გამოჩენისათვის მიხეილ კუტუზოვი გიორგის III ხარისხის ორდენით დააჯილდოვეს და გენერალ-პორუჩიკობა მიანიჭეს.

კუტუზოვი არა მარტო შესანიშნავი მხედართმთავარი, არამედ შესანიშნავი დიპლო-



მატიც იყო. 1793-94 წლებში კუტუზოვი რუსეთის საგანგებო და სრულუფლებიანი ელჩია კონსტანტინოპოლში (სტამბოლში).


\* \* \*

1805 წელს ევროპაში საომარი მოქმედება დაიწყო ნაპოლეონის წინააღმდეგ. რუსეთმა კუტუზოვის სარდლობით 50 ათასიანი ჯარი გაუგზავნა დასახმარებლად ავსტრიას. ვიდრე ეს ჯარი ავსტრიის ჯარებთან შეერთებას მოასწრებდა, ფრანგებმა ნაპოლეონის მეთაურობით დაამარცხეს ავსტრიელები. მიხეილ კუტუზოვის 50.000-ანი ლაშქარი პირისპირ აღმოჩნდა ფრანგების 200.000-იანი არმიის წინაშე. ამ პირობებში მტერთან პირისპირ შებმას კუტუზოვმა აქტიური თავდაცვითი ოპერაციის წარმოება არჩია. რუსეთის ჯარების უკან გამოყვანით, მტრის ცალკეულ შენაერთზე მაგარი დარტყმებით კუტუზოვმა დააბნია, მოჰქანცა ფრანგები და თვითონ მიაღწია სტრატეგიულ წარმატებას.

1812 წლის 12 (24) ივნისს ნაპოლეონი შემოიჭრა რუსეთში. დაიწყო რუსი ხალხის სამამულო ომი თავისი ქვეყნის დამოუკიდებლობისათვის.

17 (29) აგვისტოს რუსეთის არმიის მთავარსარდლად დაინიშნა მიხეილ კუტუზოვი. არმია და ხალხი აღფრთოვანებით შეხვდნენ ამ ცნობას.

1812 წლის 26 აგვისტოს (7—სექტემბერს) მოსკოვი ახლოს ბოროდინოს ველზე გაიმართა დიდი ბრძოლა. აქ ერთმანეთს შეხვდნენ ნაპოლეონისა და კუტუზოვის არმიები. ფრანგები ბოროდინოს ველზე წააწყდნენ რუსე-



მის მხრივ წარმოუდგენელ წინააღმდეგობას. რუსი ჯარისკაცები გააფთრებთ იბრძოდნენ. ამ ბრძოლებში ნაპოლეონმა სამარცხვინო დაძარცხება განიცადა. ეს იყო პირველი გენერალური ბრძოლა, რომელიც ნაპოლეონმა წააგო. მან დამით გაიყვანა ჯარი ბოროდინოს ველიდან, სადაც 58 ათასზე მეტი მოკლული და დაჭრილი ჯარისკაცი და 47 გენერალი დატოვა.

ბოროდინოს ბრძოლაში მოპოვებული გამარჯვებისათვის სახელგანთქმულ სარდალს — მიხეილ კუტუზოვს მიენიჭა გენერალ-ფელდმარშლის სამხედრო წოდება და დააჯილდოვეს გიორგის I ხარისხის ორდენით, მაგრამ რუსეთის არმიასაც თავის მხრივ ეს გამარჯვება ძვირად დაუჯდა. ამიტომ შემდეგ ბრძოლის განახლებას კუტუზოვმა არმია უკან დახევა. სოფელ ფილში გაძარტულ სამხედრო თათბირზე კუტუზოვის წინადადებით მიღებულ იქნა ბრძანება ქ. მოსკოვის დატოვების შესახებ. ეს უნდა მომხდარიყო არმიის შენარჩუნებისათვის, რომ მომზადებულიყო პირობები ახალი გადამწყვეტი ბრძოლებისათვის, მტერზე გამარჯვების მოპოვებისათვის.

რუსეთის არმიამ მოსკოვზე გავლით ტარუტიხოსკენ დაიხია.

ნაპოლეონის ჯარები მოსკოვში შევიდნენ, მაგრამ რუსეთის არმიის მიერ მოსკოვი გარემორტყმულ იქნა. ნაპოლეონის არმიის მდგომარეობა აუტანელი შეიქნა. ნაპოლეონი მიხვდა, რომ მისთვის შეუძლებელი იყო ბრძოლის გაგრძელება და დასტოვა მოსკოვი. უკანდახეულ ფრანგებს დღედაღამ ურტყამდა რუსეთის არმია. სმოლენსკის გზა, რომლითაც ნაპოლეონის არმია უკან იხევდა, მისთვის აღსასრულის გზა გახდა.

1812 წლის 2 (14 დეკემბერს) ფრანგების ჯარისკაცების ნაშთებმა დასტოვეს რუსეთის ტერიტორია. ნაპოლეონის 600.000-ანი არმიიდან გადარჩა რაღაც 30.000-მდე ილაჯ-გაწყვეტილი ჯარისკაცი. თვითონ ნაპოლეონმა გაქცევით უშველა თავს.

ასე ბრწყინვალე გამარჯვებით დაამთავრა დიდმა რუსმა ხალხმა 1812 წლის სამამულო ომი, რუსეთის არმიამ მიხეილ კუტუზო-

ვის ნიჭიერი სარდლობით გამართავის უფლები ომი გადაიტანა მტრის ტერიტორიაზე მას ევროპის ქვეყნების ხალხისათვის გააფთვისუფლება მიჰქონდა. რუსეთის არმიის უდიდესი ტრიუმფის დღეებში კუტუზოვი დაცვიდა და 1813 წლის 28 აპრილს გარდაიცვალა ქ. ბუნცლაუსში (სილეზია). მისი ცხედარი შემურვეს და ქ. პეტერბურგს გადმოასვენეს. კუტუზოვის გული კი დაასაფლავეს პატარა სასაფლაოზე ბუნცლაუს ახლოს.

ქ. ბუნცლაუს მოედანზე მიხეილ კუტუზოვის აუგეს ძეგლი წარწერით: „ამ ადგილამდე სარდალმა კუტუზოვმა მოიყვანა რუსების ძლევა მოსილი ლაშქარი და აქ სიკვდილმა ზღვარი დაუდო მის საგმირო საქმეებს. მან იხსნა თავისი მამული და გზა გაკაფა ევროპის გასანთავისუფლებლად. კუროხეულ იყოს გმირის ხსოვნა“.

\* \* \*

საბჭოთა ხალხი წმინდად ინახავს მისი ერთ-ერთი უდიდესი და უნიჭიერესი შვილის მიხეილ ილარიონის-ძე კუტუზოვის ხსოვნას. 1941 წლის 7 ნოემბერს, სამამულო ომის მძიმე დღეებში, წითელ მოედანზე ამხანაგმა სტალინმა საბჭოთა არმიის ნაწილებისადმი მიმართულ სიტყვაში თქვა: „დაე ამ ომში თქვენ აღგაფრთოვანებდეთ ჩვენი დიდი წინაპრების — ალექსანდრე ნეველის, დიმიტრი დონსკოის, კუზმა მინინის, დიმიტრი პოჟარსკის, ალექსანდრე სუვოროვის, მიხეილ კუტუზოვის მამაცური სახე“.

1942 წლის 29 ივლისს სსრ კავშირის უმაღლესი საბჭოს პრეზიდიუმმა დააწესა კუტუზოვის ორდენი, რომლითაც აჯილდოებენ საბჭოთა არმიის მეთაურებს.

საბჭოთა არმიამ მემკვიდრეობად მიიღო საუკეთესო ტრადიციები რუსული სამხედრო ხელოვნებისა, რომლის ერთ-ერთი ფუძემდებელი კუტუზოვი იყო.

მიხეილ კუტუზოვი იყო სახალხო გმირი, მისი სახე საბჭოთა ადამიანებისათვის დიდი, თავდადებული პატრიოტიზმისა და სამშობლოსადმი უსაზღვრო სიყვარულის განსახიერებაა.

გ. ჯინჯველაშვილი



# ს ა შ ი ნ ე დ ი ა მ ბ ა ვ ი

სარგაი მიხალაოვი



მოძრაობაა ქალაქში სწრაფი,  
ჰქრის მანქანების წყება,  
და შუქნიშანი გზას სხვადასხვაფერ  
სინათლით ეშუქება.

სად ტრამვაები გაჩქარებულნი  
აქლრიალებენ ზარებს,  
იქ როდი ვარგა, პირდადებული  
ცაში ითვლიდეთ ყვაევებს!

მაგრამ ვინ არის იქ წითელ სხივზე  
რომ გარბის, როგორც შლეგი?  
ოჰ, ეს პატარა რეზოა ისევ,  
ცრუპენტელა და ცელქი.

— ბიჭო, საითკენ მიეჩქარები?  
ისმის საყვირთა ხმები...  
სურთ შეაჩერონ ბორბალ-ძრავები,  
ღელავენ შოფერები.


შუბლზე ჩამოსდით ოფლი ღვარებად,  
გვერდი უქციეს მარცხნივ;  
სულ ერთი თვალის დახამხამება,  
და მოხდებოდა მარცხი.

ამის მნახველი, ქალი თუ კაცი,  
შიშით გაფითრდა ყველა:  
კინალამ რეზო გასრისეს თვალწინ,  
ცელქი და ცრუპენტელა.

რეზო კი წესებს დაცინვით უმზერს,  
ამით ამაყოფს დიდად;  
იქვე ისკუბა და სახელურზე  
ტრამვაის დაეკიდა.

აქ უბილეთო არ არის ერთიც,  
ზოგი ზის, ზოგნი დგანან.  
ვთქვათ და მოსთხოვეს რეზოს ბილეთი,  
ვერ გადახტება განა?

მაგრამ კონდუქტორს ხელი აქვს მარდი,  
სწვდა საყელოში ხელად;



— რეზო, შენ კიდევ არ მოტკვიანდი,  
ცელქო და ცრუპენტელავ?!  
☆

ჰა ტრამვაიში, ვაგლახით, ხენეშით,  
შემოდის ხეიბარი:  
აღარ აქვს ფეხი ერთ ფეხსაცმელში,  
სულ თორმეტი წლის არი.


ის, ვინც არღვევდა ყოველგვარ წესებს,  
გმირად მოჰქონდა თავი,  
ხედავთ, შემდგარი ორ ყავარჯენზე  
ქანაობს საცოდავი.

არა, მას მტერთან ჯარ უბრძოლია,  
რომ გვაყრუებდა კვეხნით,  
მისამებელ ვაგონს ქვეშ მოჰყოლია,  
იქ დაჰკარგვია ფეხი.

თუ ტრამვაიში უჭირს შემოსვლა,  
ცაში ვერ იფრენს მგონი...  
ვერც ტანკს წაიყვანს და არც ცხენოსნად  
ჩარიცხავს ბუდიონი.

მისი სახელი რომ არის რეზო,  
ქალაქში იცის ყველამ.  
— ოხ, რატომ იყო საწყალი ბიჭი  
ცელქი და ცრუპენტელა!

გადმოკეთებული დ. ბაჩმალიაძის მიერ.



ქეთევან კორაშვილი



ფუტკარი

ფუტკარი მეტად სასარგებლო და შრომის-  
მოყვარული მწერია. ადამიანი მისგან ღებუ-  
ლობს თაფლს. ამიტომ ფუტკრის მოშენე-  
ბას დიდი ყურადღება ექცევა.

ფუტკარი ტყეში ხის ფულუროში ცხოვრობდა. ტყიდან იგი ადა-  
მიანმა თავისი საცხოვრებელი ბინის ახლო გადმოიყვანა, გაუკე-  
თა საგანგებო სადგომი—სკა და დაიწყო ზრუნვა მისი გამრავლებისა  
და მოშენებისათვის.

ახლაც ბევრგან ცხოვრობს ტყეში ფუტკარი, და თუ ადამიანმა  
მიაგნო მას, გადმოჰყავს თავის მიერ გაკეთებულ სკაში.

კოლმეურნეობები დიდ ყურადღებას აქცევენ ფუტკრის მოვლა-  
მოშენებას. თითქმის ყველგან შეგხვდებით კოლმეურნეობაში სკა.

ფუტკრის ცხოვრება მეტად საინტერესოა. ამ კეთილი მწერების  
ოჯახი შესდგება ერთი დედა ფუტკრისაგან, რამოდენიმე ათეული  
მამალი ფუტკრისა და ათასეული მუშა ფუტკრისაგან.

დედა ფუტკარი მათ შორის ყველაზე დიდია. ჩვეულებრივ ოჯახ-  
ში ერთი დედა ფუტკარია, მაგრამ თუ ოჯახში მეორე დედა ფუტ-  
კარიც გაჩნდა, მაშინ მათ შორის იწყება სამკვდრო-სასიცოცხლო  
ბრძოლა, რის შედეგადაც ერთ-ერთი მათგანი იღუპება.

მამალი ფუტკარი განირჩევა სხვა ფუტკრებისაგან დიდი თავი-  
თა და სქელი ბლაგვი მუცლით. მამალი ფუტკრები არავითარ მუ-  
შაობას არ ეწევიან, არც მინდვრად და არც სკაში. ისინი საჭირონი  
არიან მხოლოდ გამრავლებისათვის. ერთი მამალი ფუტკარი სკამს  
იმდენს თაფლს, რამდენიც სჭირდება ხუთ მუშა ფუტკარს. ამისა-  
თვის მეფუტკრემ უნდა ეცადოს სკაში ზედმეტი მამალი ფუტკარი  
არ გაჩნდეს.

დედა ფუტკარი გაზაფხულზე იწყებს კვერცხების დებას ფიჭის  
პატარა უჯრედებში, რომლებსაც წინასწარ ასუფთავებენ ფუტ-  
კრები. მათ ძლიერ უყვართ სისუფთავე, არასოდეს არ გააჩერებენ  
სკაში რაიმე ჭუჭყს. ფუტკრებს შრომა განაწილებული აქვთ. ზოგი  
ასუფთავებს სკას, ზოგი ფიჭებს უვლის, ზოგი გუშავაობს სკის შე-  
მოსასვლელში, რათა ქუთრდი ფუტკრები ან მტერი არ შეეპაროთ,  
როგორცაა კრაზანა, რჩილის პეპლები, თავი და სხვა. არის შემ-



მუშა ფუტკარი



დედა ფუტკარი

თხვევა, როდესაც სკაში შეიპარება დიდი პეპელა ან თავგი, მათ დაეხვევიან ფუტკრები, დაუწყებენ კბენას და მოჰკლავენ. მაგრამ, ენაიდან არ შესწევთ ძალა გარეთ გამოათრიონ, ამიტომ იქვე „ღამარხავენ“. გარშემო შემოადებენ სანთლის მსგავს ნივთიერებას, რომელსაც პროპოლისი ეწოდება, და კარგად გადალესავენ.

ყოველგვარ სამუშაოს ოჯახში ასრულებენ მუშა ფუტკრები, ისინი აგროვებენ საკვებს მარაგს ზამთრისათვის — ამზადებენ თაფლს.

დედა ფუტკარი კვერცხებს რომ დადებს, კვერცხიდან სამი დღის განმავლობაში გამოიჩეკებიან პატარა ჭიები, რომლებსაც ძიძა ფუტკრები აწვდიან საკვებს. ისინი თაფლიდან და ყვავილის მტკვრისაგან ამზადებენ რძის მავვარ საკვებს, რომლითაც ჰკვებავენ პაწია ჭიებს. ეს ჭიები სამი-ოთხი დღის განმავლობაში იზრდებიან, იცვლიან სახეს და გადაიქცევიან ჭუპრებად. რამოდენიმე დღის შემდეგ ფუტკრები გადაბეჭდავენ უჯრედებს სანთლის თხელი ფენით. გადაბეჭდილი ჭუპრი უჯრედში რამოდენიმეჯერ იცვლის სახეს, რომლის დროსაც იგი გადაიქცევა ნამდვილ ფუტკრად. გახვრეტს სანთლის აპს, გამოვა გარეთ და ერთი-ორი დღის შემდეგ, შეუდგება შრომას სხვა ფუტკრებთან ერთად.

არც დედას და არც მამალ ფუტკრებს არ მეთქვიათ დამოუკიდებლად საკვების მოპოვება. მათ ჰკვებავენ ისევ მუშა ფუტკრები. ისინი პირში დააგროვებენ საკვებს, ჩაუყოფენ თავიანთ პატარასხორთუმს დედა ან მამალ ფუტკარს პირში და ასე აწოდებენ საკვებს.

ყველა ფუტკარი კარგად იცნობს თავის სკას, არასოდეს ის სხვის ბინაში არ შეფრინდება, თუმცა არის ხოლმი შემთხვევები, როდესაც ჭურდობის მიზნით ცდილობენ შეიპარონ მეზობელ სკაში.


ზამთრის პერიოდში, დაწყებული ოქტომბრის ბოლო რიცხვებიდან გაზაფხულის თბილი დღეების დაწყებამდე, ფუტკარი იმყოფება სკაში. ამ ხნის განმავლობაში ის მხოლოდ იკვებება მის მიერ შეგროვილი თაფლით. როგორც კი დადგება თბილი დღეები, ხეხილი და ყვავილნარი მტენარეები აყვავდებიან, ფუტკარიც იწყებს გარეთ გამოფრენას და საზრდოს შეგროვებას.

მუშა ფუტკარი ხორთუმით ყვავილიდან იღებს ტკბილ სითხეს — ნექტარს. ხორთუმიდან ნექტარი გადადის პირში, შემდეგ კი საყლაპავი მილით ჩადის, ეგრეთწოდებულ, ჩიჩახავში. ფუტკარი გაიღებებს რა ჩიჩახავს ნექტარით. იმ წუთს გაფრინდება სკისაკენ. სკაში მას შეხვდება ახალგაზრდა მუშა ფუტკარი, რომელსაც გადასცემს — გადაუხსამს ნექტარს და ისევ უკან გაფრინდება მინდორ-გილისაკენ. ახალგაზრდა ფუტკრები კი წაიბობენ ნექტარს და ჩაასხამენ ფიჭის უჯრედებში. ამ უჯრედებში ჩასხმული ნექტარი ჯერ კილევ არაა თაფლი. მას კილევ ესაჭიროება შემდგომი გადამუშავება, რომელსაც ისევ ახალგაზრდა ფუტკრები ასრულებენ. ნექტარს ფიჭის უჯრედიდან ამოსწოვენ ხორთუმით. დაიგროვებენ პირში და რამოდენიმე ხნის განმავლობაში ამოძრავებენ პირს, რომლის დროსაც ნექტარს შეერევა ერთგვარი ნივთიერება, რომელიც ფუტკრების სანირწყვილი ჯირკვლებში გამომუშავდება. გადამუშავებულ ნექტარს ჩაასხამენ ისევ უჯრედებში, რომელსაც უკვე თაფლის სახე აქვს მიციმული. მაგრამ ცოტათი თხელია. რამოდენიმე ხნის შემდეგ ის უფრო გასქელება ზედმეტი სითხის აორთქლების გამო და მიიღებს თაფლის სახეს.


სასურველია პიონერ-მოსწავლეებმა შეისწავლონ ფუტკრის — ამ მიკად სასარგებლო მწერის ცხოვრება და მიიღონ მონაწილეობა მის მოშენებაში.



ფუტკრის სხეული



ფუტკრის თავი



ფუტკრის ხორთუმი



# მუსიკა და მკვლელობა



(მოხეტიალე მუსიკოსის ჩანაწერებიდან)

მოსკოვში, „ნოვისსკი ბულვარის“ ქუჩაზე, სწორედ მომღერალ თედორე შალიაბინის სახლის პირდაპირ, ერთი მდიდრის განმარტოებული სახლიც იდგა. სახლი იყო თეთრი, გრძელი და ერთსართულიანი. ალაცაფი ჰქონდა რკინის და თავიდან ბოლომდე სქელი თუნუქით აჭედილი. არ ვიცი ეს ალაცაფი როდის იღებოდა, ან როდის იხურებო-

და, ხოლო მე კი, არც ავლილს და არც ჩავლილს, ღია არ დამინახავს. შესვლა და დაკვრა ამ სახლის ეზოშიც ყოველთვის ძალიან მინდოდა.

ერთხელ ამ ბულვარზე ცაველით შინ ვბრუნდებოდი. ეზოებში ბევრი დაკვრით და სიარულით ისე ვიყავი დაღლილი, რომ ფეხებს ძლივსლა მოვართევი, მაგრამ დახეთ, მდიდრის სახლის ალაცაფი ღია დავინახე! ეთბამად მოვცოცხლდი, უყოყმანოდ გადავდგი ფეხი და შევეღ მის ეზოში.

ეზოში ერთსართულიანი, მსაგრამ დაბალი და მრავალ ბუნაგად დაყოფილი შენობა იდგა.

დამკვრელს არავინ გამოიმხედა, — არც კარებებიდან და არც ფანჯრებიდან. გამიკვირდა. ბოლოს ბუნაგებისკენ რომ მივტრიალდი, შეღებს მოვკარ თვალი. მოულოდნელობისაგან გაფტურდი. ბეგერი იყენენ, პატარები, ლამაზნი და მშვენიერები.


შეღებმაც ვაოცებით შემომაჭყიტეს თვალები, ერთმანეთსაც გადახედეს, თითქოს წაილაპარაკესო, დაიფრუტუნეს, ტოტებით გამოჰყვეს კისრები, მოკლე კუდებით თან გამოაყოლეს და გამოსწიეს ჩემსკენ.

ვატყობდი შეღებს ეშინოდათ, მაგრამ მუსიკის ძალა შიმსაც აკარგვიანებდა და მორიდებასაც ავიწყებინებდა.

„სიფრთხილეს თავი არა სტკივაო“, ალბათ ეს გრძნობა ძვალსა და რბილში ჰქონდათ გამჯღარი. შორიხლოს დადგენენ, დაცქვიტეს ყურები და გიშერივით შავი თვალეები შემომანათეს. მაგრამ დაკვრა შევწყვიტე თუ არა, მაშინვე დაიფრუტუნეს, შეტრიალდნენ და მოკურცხლეს.

ირგულივ მიმოვიხედე. ეზოში არავინ იყო, შეღებიც აღარა ჩანდნენ. მაგრამ ვიოლინო კიდევ დავუკარ თუ არა, შეღებიც გამოჩნდნენ და ისევ ჩემსკენ წამოვიდნენ. ახლა უფრო ახლოს მოვიდნენ და უფრო ნდობით მისმენდნენ, მაგრამ გავათავე თუ





არა დაკვრა, დაფრთხნენ და კიდევ მოკ-  
კურცხლეს თავიანთ ბუნაგებისაკენ. შესა-  
მედ, დაკვრაზე, შვლები კიდევ უფრო ახ-  
ლოს მოვიდნენ და უფრო უშიშრად გარშე-  
მოიქცნენ.

ამ სურათს რომ ვუცქერდი, შვლები პი-  
რუტყეებად კი არ მერყევებოდნენ, არამედ  
ბავშვებად, რომლებიც ეზოდან ეზოში სულ  
უკან დამდევიდნენ ხოლმე. ამ გრძნობითვე  
ვუკრავდი მეც მათ შორის.

უტბათ ერთ შველს თვალზე ცრემლი შეე-  
ნიშნე. ცრემლი ჩამოჰვარდა თვალიდან და  
ლოყის მოკლე ბალანში ჩაიკარგა. მეორე  
შველმა კი დაიგრძელა კისერი, მისწვდა  
პირველს და ლოყასა და თვალზე ცრემლი  
ამოულოკა. შემდეგ კისერზე კისერი გადააქ-  
დო და ასე შემომცქეროდა.

ამ დროს მესამე შველმაც ჯერ წინა ფე-  
ხებით ჩაიჩოქა, მეორე უკანათი, დალუნა თა-  
ვი და მილულა თვალები.

— აჰა, მოდი და თქვენ ამათ პირუტყეები  
უთხარით! ეს ლამაზები როგორ ადამიანები-  
ვით უსმენენ მშვენიერ ხმათა ჟღერას! —  
ვამბობდი ჩემს გულში.

რას განიცდიდნენ, ნეტავ, მუსიკით შველ-  
ბი? შეგვიძლია ვთქვათ?

გამორკვევა აქ მხოლოდ იმისი შეიძლება-  
და, თუ მუსიკა თვითველს მათგანზე რა  
ხანგრძლივობით მოქმედებდა.

ეს ისე უნდა გამოიერყვია, რომ დამეკრა  
კიდევ და თან შვლებთან სულ ახლოს მიესა-  
ლოყავ. ამის საშუალებას ვიოლინოს ტექნი-  
კა მაძლევდა, ხოლო ფრთხილად უნდა მოქე-  
ცეყოლოყავ.

შელოდია რომ დავამთავრე, ხემი (სმიჩო-  
კი) ერთ ლარზე შევაჩერე და ლარებს მარ-

ტო მარცხენა ხელის თითები (პიჩიკატო)  
გავკარ-გამოვკარ. შეჩერებული ხემი  
გენა ხელით ნელ-ნელა ჩამოვაცუტე-  
ბი აბრეშუმის დაწულ სარტყელში ისარი-  
ვით ჩავიკარპავე. ახლა მარჯვენა ხელი თა-  
ვისუფალი იქონდა, მაგრამ, რომ ამ ხელით  
მასლობელ შველს მივწვდომოდი, უნდა ფე-  
ხის ქუსლების და ფეხის თითების მიწვე-  
მოწვევით შველსაც მივებლოვებოდი. ესეც  
შვლების შეუშინებლად მოვასერხე. ფრთხი-  
ლად, ნელ-ნელა წავიღე ხელი და შვილის  
ბალანს შევახე. კიდევ წავიღე ხელი და  
ალერსიანად ტანსაც შევეხე, კისრისკენაც  
მივუსვ-მოვუსვი. შველს ეს ალერსიც ესა-  
მოუნა და თვითონაც მოიწვედა ჩემსკენ, რომ  
უფრო კარგად მომეალერსნა.

მეც გავთამამდი. წავიღე ხელი, წავიღე,  
წავიღე, ამოვხვიე კისერში და რომ ამოვწიე  
კიდევ ტუჩებისკენ, რათა თვალებში შე-  
კოცნა, ვილაცამ უკან მსგრა გამწია და შვე-  
ლი ხელიდან გამავდებინა.

შევხტი, მიეტრისლდი და გაქნეული ხელი  
შიგ ცხვირ-პირში მოხვდა გასაქრობ შვიცა-  
რიულ თეთრ თხას, რომელსაც, თურმე, საი-  
დანაც დავუნახივარ, მომპარვია, მისწვდო-  
მია ჩემს ახალთახალ აბრეშუმის თხელ თეთრ  
ხალათს, მისი ბოლო ჩაუჩრია პირში და არ-  
ხეინად ლოღონიდა.

ხელის მოხვედრის დროს თავი გაჰკრა  
თხამ, ჩამომახნია ხალათის ბოლო და თეთრი  
ბაირადივით წააფრიალა.

გული მატკინა ამ შემთხვევამ. ვბრაზობ-  
დი იმ სამგლე თხაზე, რომელმაც ასე მოუ-  
ლოდნელად შემსაწყვეტინა შველებთან  
ალერსი.

## ილიკო კურხული

ნახ. 8. დაუშვილისა






# გ ა ს ა რ თ ო ბ ი

კროსვორდი

გამოცანები



1. ფოთლები ბევრი მასხია, არც ბუჩქსა ვგავარ, არც ხესა; ვინც ყურადღებით დამფურცლავს, მოიმკის, რაც სხვამ დათესა.
2. არ ვჩანვარ, ღონე დიდი მაქვს, ბნელს ვფანტავ, ბორბლებს ვაბრუნებ; წყლითა ესაზრდობ, თუ არ მაქვს, ნახშირსაც შევხებრამუნებ.

დ. ქიქაძე

ქვემოთ ჩამოთვლილი კითხვების მიხედვით ჩასწერეთ თითოეულ უჯრედში თითო ასო ისე, რომ ვერტიკალური მიმართულებებით წაიკითხოთ ცხრა სიტყვა. იმ ასოებიდან, რომლებიც მოხვდება პატარა უჯრედებში, მივიღებთ ორ სიტყვას, რომელსაც მუდამ სიხარულით ვეგებებით.

1. გარეული ცხოველი,
2. ხილი,
3. მტაცებელი ფრინველი,
4. ზამთრის წალექი,
5. სურნელოვანი ყვავილი,
6. სასმისი ლხინის დროს,
7. შინაური ცხოველი,
8. პატარა დროშა,
9. ძველი სასროლი იარაღი.

შეადგინა რ. თავდიდიშვილმა

№ 11-ში მოთავსებული გამოცანის პასუხი: დრო.



## შ ი ნ ა ა რ ს ი

საქართველოს კომკავშირის XVII ყრილობა  
გარეკანის მე-2 გვ.

ვ. თორღუა — 5 დეკემბერი	1
გ. აბაშიძე — ზამთარი ბაქურიანში (ლექსი)	3
ი. ინსარი — დედა (ნამდვილი ამბავი)	4
ვ. ყურული — რუსთავეის ქაღალდი (ლექსი)	6
ვ. ჩკალოვის შეხვედრა სტალინთან	7
კ. გოგიაშვილი — ძიამ ბოჩოლა მაჩუქა (ლექსი)	7
დ. შამათავა — ურყუმში	8
გ. კაჭახიძე — ბუჩხარი და გაკვეთილი (ლექსი)	10
ვ. იავორსკი — ბოროტი გულისთქმა (მოთხრობა)	11
თარგმანი შ. გვინჩიძისა)	11
ა. ლომიძე — მონადირე (მოთხრობა)	13
ბ. ბეთანელი — შიო მღვიმელი	14

მ. ლეჟავა — დაძმა (მოთხრობა)	15
მ. ქორელი — ლაღო მესხიშვილი და ახალგაზრდაობა (მოგონება)	19
ა. ონელი — ბეჯითი გელა (ლექსი)	21
გ. პაპიაშვილი — ვალოდია რიხალევსკი (პიესა ერთ მოქმედებად)	22
მ. ჯინჭვლაშვილი — კუტუხოვი	25
ს. მისალოვი — საშინელი ამბავი (ლექსი. გადმოკეთებული დ. გაჩეჩილაძის მიერ)	27
ქ. კორაშვილი — ფუტკარი	28
ი. ქურხული — მუსიკა და შველი (მოხეტიალე მუსიკოსის ჩანაწერებიდან)	32
გასართობი	32

გარეკანის მხატვრობა შესრულებულია მხატვარ ირ. რაზმაძის მიერ


### პასუხისმგებელი რედაქტორი გ. კაჭახიძე

სარედაქციო კოლეგია: ი. აბაშიძე, აკად. ნ. ბერძენიშვილი, შ. გვინჩიძე, ა. გიგოლაშვილი (სამხატვრო რედაქტორი), გ. ვარდიანიშვილი, პროფ. გ. თავადაშვილი, პ. მეტრეველი, ნ. ნაკაშიძე.

რედაქციის მისამართი: თბილისი, ლენინის ქ. № 14. ტელ. 3-81-85

შე 17977 ტირაჟი 7000 გამომცემლობის შეგვ. № 129 სტამბის შეგვ. № 1664  
დ. პ. ბერიას სახელობის პოლიგრაფკომბინატი „კომუნისტი“, ლენინის ქ. № 14.  
ყურნალის გარეკანი დაბეჭდილია „ზარია ვოსტოკას“ ოქსეტ-მანქანახე.

# თავქესათარი იპოვეს



საბერძნეთში კვლავ გრძელდება სამოქალაქო ომი. ბრძოლა მიმდინარეობს მონარქისტებსა და დემოკრატიულ ძალებს შორის. ეს უკანასკნელი იბრძვიან მეფის მიმეულელისაგან ბერძენი ხალხის გასანთავისუფლებლად. მონარქისტები — მეფისა და ფაშისტების მომხრენი კი ცდილობენ შეინარჩუნონ ძალა-უფლება და კვლავ დამონებული ჰყავდეთ ბერძენი ხალხი. ისინი არ ინდობენ არა მარტო გმირ ბერძენ პარტიზანებს, არამედ მშვიდობიან მოსახლეობას და პატარა ბავშვებსაც კი.

მეფის არმიას ამერიკელი კაპიტალისტები ამარაგებენ ყუმბარებით. ამ ყუმბარებს ფაშისტი ბარბაროსები აყრიან მშვიდობიან ქალაქებსა და სოფლებს. მრავალი ათასი ბერძენი ბავშვი დაიღუპა ასეთი ავაზაკური დაბომბვის შედეგად.

თავისუფალი საბერძნეთის დემოკრატიულმა მთავრობამ, რომლის სათავეში გენერალი მარკოსი დგას, იზრუნა ბერძენი ბავშვების გადასარჩენად. ამ მთავრობის თხოვნით მეზობელმა დემოკრატიულმა ქვეყნებმა — ბულგარეთმა, რუმინეთმა, ჩეხოსლოვაკიამ, ალბანეთმა, იუგოსლავიამ — შეიფარეს ათასობით ბერძენი ბავშვი.

როდესაც ბერძენი ბავშვები ამ დემოკრატიულ ქვეყნებში ჩავიდნენ, ისინი გამხდრები იყვნენ, ჰქონდათ გაწამებული სახეები, მაგრამ მათ მისცეს მსუყე, გემრიელი საუზ-

მე, დაურიგეს ფეხსაცმელი და ტანსაცმელი და დააბინავეს კეთილმოწყობილ სასტუმროებში. რუმინეთში ბერძენ ბავშვებს დაუბრუნეს საუკეთესო სახლი და სასახლე ქალაქ ბუქარესტის მიდამოებში და დიდი, ლამაზად მორთული სასტუმრო სინაიი.

ჩეხოსლოვაკიის მოსახლეობა ისე შეხვდა უცხოელ ბავშვებს, როგორც დიდი შვილებს. მათთვის მოაწყეს სკოლები, რომლებშიც ბერძენი ბავშვები სწავლობენ მშობლიურ ენაზე. საბერძნეთის ამ ნორჩ მოქალაქეებზე განსაკუთრებული მგრძობიარედ ზრუნავენ ჩეხოსლოვაკელი ახალგაზრდები — გოგონები და ვაჟები. ქალაქ დაჩიცში ჩეხოსლოვაკიის ახალგაზრდობის კავშირის წევრებმა გადასწყვიტეს პატარა ბერძნებისათვის ემოვნათ ხილი. რადგან მათი რაიონი ბალებით ღარიბია, დახმარება სთხოვეს ქალაქ ჩასლოვის კავშირის წევრებს. რამდენიმე დღის შემდეგ ბერძენმა ბავშვებმა ქალაქ ჩასლოვიდან მიიღეს ყუთებით ხილი.

საბერძნეთის ნორჩი მოქალაქეები ალბანეთიდან გენერალ მარკოსს სწერენ: „ალბანელები ძალიან კარგად გვივლიან... გისურვებთ, მალე გაიმარჯვოთ ჩვენს მტრებზე!“.

ბერძენმა ბავშვებმა იპოვეს თავშესაფარი, მაგრამ მათი ოცნებაა, მალე მთლიანად განთავისუფლდეს საბერძნეთი მონობის უღლისაგან და თავისუფალ სამშობლოში სიხარულით დაბრუნდნენ.

## ხეოპსის პირამიდის ნგრევა

ეგვიპტის პირამიდებს შორის ფართონ ხეოპსის პირამიდა ყველაზე დიდია. იგი აშენებულია 4.500 წლის წინათ. მისი მოცულობა 2,7 მილიონი კუბიკური მეტრი იყო, სიმაღლე კი — 170 მეტრი. 100 ათასი მონა ოცი წლის განმავლობაში აშენებდა ამ გიგანტურ ძეგლს.

24 საუკუნის წინათ ბერძენმა სწავლულმა ჰეროდოტემ გაზომა ეს გიგანტური ნაგებობა. ძლიერ გაუკვირდა, როცა პირამიდის სიმაღლე 147 მეტრი აღმოჩნდა. ჰეროდოტე დარწმუნდა, რომ პირამიდის მშენებელი ეგვიპტელები პირამიდის გაზომვაში შეცდნენ.

ნამდვილად კი ეგვიპტელები არ შემცდარან. პირამიდის სიმაღლე შემცირდა ბუნების ძალების — ქარის, მზისა და წყლის ზემოქმედების გამო.

რამოდენიმე წლის წინათ ინგლისელმა სწავლულებმა ხელახლად გაზომეს ხეოპსის პირამიდის სიმაღლე. საესებით ზუსტმა ინსტრუმენტებმა აჩვენეს 139 მეტრი. ხეოპსის პირამიდის სიმაღლე კიდევ შემცირებულია 8 მეტრით.


ამგვარად ბუნება თანდათანობით ქვიშადა და ღორღად შლის ეგვიპტის ამ უზარმაზარ პირამიდას.



25/03 - 33/3

საქართველოს სსრ-ის  
საგარეო ურთიერთობების  
მინისტრის  
1 1.12.1960  
ეროვნული  
ბიბლიოთეკა

# სახუქრები კომკავშირის XVII ყრილობას




ბავშვთა ცენტრალური ტექნიკური სადგურის ნორჩ-მა ტექნიკოსებმა თბილისის ვაჟთა 16-ე საშუალო სკოლის მე-9 კლასის მოსწავლე გივი ნიკოლაიშვილმა (მარცხნივ) და ვაჟთა 15-ე საშუალო სკოლის 10-ე

კლასის მოსწავლე კახი როსტაშვილმა ყრილობას მიუძღვნეს მათ მიერ შესრულებული მკაეტი საქალისა, რომელშიც დაიბადა დიდი სტალინი.



თბილისის რკინიგზის მე-7 საშუალო სკოლის მე-11 კლასის მოსწავლე კომკავშირელი მერაბ მერაბიშვილი ბორის ძნელაძის ბიუსტზე მუშაობის დროს. თავისი ნამუშევარი ახალგაზრდა მოქანდაკემ საქართველოს კომკავშირის XVII ყრილობას მიუძღვნა.



კომკავშირელების მიერ შესრულებული თვით-მგზინავის მკაეტი, მიძღვნილი ყრილობისადმი.